

山 西 太 原 省
醫 改 進 研 究 會

中 華 郵 政 特 准 掛 號
認 爲 新 聞 紙 類
民 國 十 五 年 十 月

醫 學 雜 誌

第 三 十 三 冊

南 京 圖 書 館 藏

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿件每一稿奉贈雜誌一冊如一期之內登兩三稿亦祇寄送一冊
- 一 凡永久贊助本會特別熱心或贈送書籍諸君本會按期寄送一冊
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

醫學雜誌第三十三期

目錄

附設醫院十五年八七月中醫診治人數

表此兩月西醫改為兵站醫院

專著門

靈素生理新論 續 楊百城

新改正經脈俞穴記誦篇 續 張壽頤

論說門

中國醫學沿革概論 楊煥文

論難經所言狂癲病理頗與素靈不

符 張山雷

修正傷寒論文之商榷 費澤堯

木尅土解 楊志一

地氣上為雲天氣下為雨釋繆康壽

研究體溫及動力與中醫陽氣之說

郭大猷

纂述門

(生理類)

論細胞 楊百城 趙意空

(衛生類)

張栗庵先生存書 續

六十八齡老人之衛生談 沈仲圭

胃不和則臥不安解 前人

不眠之理及速眠法 楊詔陽

醫 學 雜 誌

1

(病理類)

病理公例續

楊百城

再續欬嗽考證

武同文

陰暑辨

繆壽康

中西論瘧比較談

羅燮元

(診治類)

(診法)

色脈篇續

楊百城

[治法]

治病序例續

[治療各稿]

鼠疫之治療法

許小士

傷寒留飲証治驗

劉蔚楚

記曹清華治產後陰虛肺熱周 鎮

陳蓮峯先生紀甲子春日之麻疹書

後

樊楚農

產婦乳眼不通疼痛治愈

徐子久

傷寒無脈証

武老良

丙寅時疫已過談

張汝偉

[藥物類]

點草考古

許小士

記羅摩之功用

趙意空

醫案門

關於心理治療

通訊門

張效宗上會長書

劉前英君論中西醫各有特點與缺

點

楊星垣君醫學感言

張治河君對於曹德海怪症之管見

報告門

廣靈縣發生疫症

雜俎門

醫膜吸毒石攷

星期徵稿選刊

傷寒罷後水氣病

張惟通

問傷寒證中火寒二證之別董華瑞

針灸討論會治法選刊

問刺臟之法

米 昫

問牙痛症手足陽明之辨

劉 恕

專著門

靈素生理新論

第三章 外形篇一

第一節 總論骨骼生成原理

經云。腎生精。精生髓。髓生骨。嘗釋經旨。想像人身之骨。先後構成之原因。而知骨則生於髓者也。髓則生於精者也。精則生於腎者也。人當受生之始。天一生水。兩腎先成。兩腎之間。中有一系。是為腎系。腎生之精。化而為髓。緣此系節節上輸至頂。聚積為腦。此即經所謂人始生。先成精。精成而後腦髓生也。腦為髓海。猶水之朝宗於海也。沿背輸髓之線路。所得滋養料中之苦味鹹質。與髓中所含之黏質交相結合。由薄而厚。由脆而堅。而骨以成。西說謂骨由鈣養及膠質而成脊骨成所以為輸髓之車也。脊為河車之路顱骨成所以為護腦之蓋也。次第發育。構成周身之骨三百六十五

節。以應周天三百六十五度之數。經云骨爲幹。而脊骨尤其主幹也。

西說謂全身骨骼共二百一十骨。是就骨骼之數言。中說謂周身之骨三百六十五節者。蓋指人之骨間穴會。神氣之所游行也。非骨骼之成數也。茲分三部份次於左。

第二節 論頭面之骨

經云。頭者精明之府也。蓋自腎生精。精化髓。由脊上輸至頭。皆有髓充實其中。脊髓猶含有脂肪雜質。腦髓則氣清質潔。其機極靈。故曰精明之府。主人身之知覺運動。西人謂腦司知覺運動。不外乎此。頭骨分二十餘片。除下顎骨外。餘皆連接合爲一骨。主護腦髓。及他柔軟器官。

頭顱骨 頭顱骨一曰顛頂骨。顛者頭頂也。其骨男子三叉縫。女子十字縫。一名天靈蓋。位居至高。內函腦髓如蓋。以統全體者也。

囟骨 囟骨者。勾門四圍之骨也。即顛頂骨與額骨合縫處。嬰兒頂骨未合軟而跳動之處名曰囟門

額骨 正中額骨在前髮際下。其兩眉上之骨即兩額角也。

鼻梁骨 鼻孔之界名曰鼻梁骨。下至鼻之盡處名曰準頭。

眼眶骨 目窠四圍之骨。上曰眉稜骨。下即頤骨。頤乃目之下眶骨。下連牙床。

顴骨 顴骨當面之兩旁。挾鼻之處。顴大周身骨大。小則皆小。

頰骨 頰骨一名地閣骨。即兩牙車相交之骨。俗名下巴骨。上載齒牙。

耳門骨 耳門骨即顛顛骨。一曰玉梁骨。其處上即曲頰。下即頰車。兩骨之合鉗

也。後即經所謂完骨。耳門內上通腦髓。亦關靈明。

上頰骨 上頰骨一曰兩鈎骨。即上頰之合鉗。曲如環形。以納下牙車骨尾之鈎也。

頰車骨 頰車骨即下牙牀骨也。俗名牙鈎。承載諸齒。能咀食物。有運動之象。故

曰頰車。其骨尾形如鈎。上控於曲頰之環。

後枕骨 後枕骨一曰後山骨。其骨形狀不一。有品字山字川字及圓尖月芽鷄

子等形。

第三節 論胸背之骨

人身喉下腹上多骨之處曰胸。胸中即膻中。背則胸中之府也。脈要精微論背胸者胸中之府上居肺。胸膈之間居心。是胸廓者所以包容心肺。居於軀幹之中央。以胸椎胸骨肋骨及肋軟骨之連合而成者也。

鎖子骨 鎖子骨經名柱骨。橫臥於兩肩前缺盆之外。其兩端外接肩解。

髑髏骨 髑髏骨即胸骨。乃胸脇衆骨之統名。一名膺骨。一名臆骨。俗名胸膛。其

兩側自腋而下至肋骨之盡處。統名曰脇。脇下小肋骨曰季脇。俗名軟肋。肋名者。單條骨之謂也。統脇肋之總。又名曰祛。

歧骨 歧骨者即兩腕骨端相接之處。其下即鳩尾也。內近心君。最忌觸犯。

蔽心骨 蔽心骨即鳩尾骨也。其質係脆骨。在胸下歧骨之間。

臑骨 臑骨即胸下之邊肋也。上下兩條。

天柱骨 天柱骨亦曰玉柱骨三節。即頸骨也。沈形釋骨篇云隱筋肉中者曰複骨。此頸骨上端之骨。

脊骨 脊骨一名脊骨。俗呼脊梁骨。其形一條居中。上載兩肩。內繫臟腑。下盡

尻骨之端。其兩旁諸骨。附接橫疊而彎合於前。則為胸膛也。

腰骨 腰骨在脊骨之下部。一身所恃以轉移開闔者也。

按西人謂脊椎骨全數二十四。頸椎上部七骨。胸椎中部十二骨。腰椎下部五骨。其下為薦骨。亦五骨合成。薦骨之下為尾閭骨。我國所稱之第一椎。即第七頸椎棘狀突起。背骨中可按觸者。靈樞謂脊椎二十一。乃以此為始。推至薦骨第三椎。丹經謂脊椎二十四。乃下至尾骶骨也。又按洗冤錄驗骨篇云。項與脊各十二節。註自項至腰共二十四髓骨。上有大髓骨。人身項骨五節。背骨十九節。合之得二十四。與西說同。惟分項骨背骨之數異。

尾骶骨 尾骶骨即尻骨也。其形上寬下窄。上承腰脊諸骨。兩旁各有四孔。名曰八膠。其末節名曰尾閭。一名骶端。一名窮骨。俗名尾樁。

第四節 論四肢之骨

經云肢脛者。身之管以趨翔也。此經表示四肢之作用。上曰肢。下曰脛。今則統名曰肢。以其由同一基礎型而變形。經以一翔字表示手之作用。狀其輕便也。以一趨字表示足之作用。狀其強固也。始則同一基礎型。繼則因形變易。故足司走。手司握。作用異矣。

髑骨 髑骨者。肩端之骨。即肩胛骨白端之上稜骨也。其白含納臑骨。上端名肩解。即肩骹與臑骨合縫處也。俗曰吞口。一名肩頭。其下附於脊骨。成片如翅者。名肩胛。亦名肩膊。俗名掀板子骨。

臑骨 臑骨即肩下肘上之骨也。自肩下至手腕。一名肱。俗各肱膊。乃上身兩大之通稱也。

肘骨 肘骨者。肱膊中節。上下支骨交接處也。俗名鵝鼻骨。

臂骨 臂骨者。自肘至腕。有正輔二根。其在下而形體長大。連肘尖者。為臂骨。

其在上而形體短細者為輔骨。俗名纏骨。疊並相倚。俱下接於腕骨焉。

腕骨 腕骨乃五指之本節也。一名壅骨。俗名虎骨。其骨大小八枚。湊以成掌。

非瑰然一骨也。其上並接臂輔兩骨之端。其外側之骨名高骨。一名銳骨。亦名踝骨。

錘骨 錘骨即五指之骨。各指本節之名也。即掌骨

竹節骨 竹節骨即各指次節之名也。

膞骨 膞骨即髀骨也。一名髀骨。又名髀骨。在肛門後向外上兩旁張出形如

蝶翅。

環跳骨 環跳者。髀骨外向之骨。其形似臼。以納髀骨之上端如杵者也。名曰機

又曰髀樞。即環跳穴處也。

大槌骨 大槌骨一名髀骨。上端如杵。入於髀樞之臼。下端如鎚。接於髀骨。統名

曰股。乃下身兩大支之通稱也。俗名大腿骨。

膝蓋骨 膝蓋骨即連骸亦名臙骨。形圓而扁。覆於槩髓上下兩骨之端。內面有

筋聯屬。其筋上過大腿至於兩脇。下過脩骨至於足背。

脩骨 脩骨即膝下踝上之小腿骨。俗名廉脰骨者也。其骨二根。在前者名成

骨。又名脩骨。其形粗。在後者名輔骨。其形細。又俗名勞堂骨。

踝骨 踝骨者。脩骨之下。足跗之上。兩旁突出之高骨也。在內者為內踝。俗名

合骨。在外者為外踝。俗名核骨。

跗骨 跗骨足背也。一名足趺。俗稱脚面。後曰跗。前曰躡。其骨足趾本節之骨

也。

趾骨 趾者。足之指也。名以趾。所以別於手也。俗名足節。其節數與手之骨數

同。大指本節後內側圓骨努突者。一名核骨。又名覈骨。俗呼為孤拐骨也。

跟骨 跟者足後跟骨也。上承脩輔二骨之本。

新考正經脈愈穴記誦編

名譽 張壽頤

衝脈循行經文

〔素問氣府論〕衝脈氣所發者二十二穴。俠鳩尾外各半寸至齊。寸一。俠齊下旁各五分至橫骨。寸一。腹脈法也。

〔注〕氣府論所載奇經八脈之穴。督任之外。并衝而三。不及帶脈維躄。所謂俠鳩尾外各半寸。及俠齊下旁各五分至橫骨者。卽是少陰經幽門以下至橫骨十一穴。故甲乙外台此十一穴。皆曰衝脈。足少陰之會。左右各十有一。是爲衝脈氣所發之二十二穴。所謂寸一者。此十一穴上下相離各一寸。言每寸得一穴也。醫宗金鑑刺灸心法載衝脈諸穴。亦止此左右之二十二。

〔素骨空論〕衝脈者起於氣衝。並少陰之經。俠齊上行。至胸中而散。

〔注〕衝脈之起。實與任督二脈。同出一源。甲乙奇經八脈篇。所謂衝脈任脈。皆起於胞中者是也。所以甲乙外台。皆謂會陰一穴。爲督任衝脈之會。而於氣衝之穴。則不言衝脈之會。是氣衝之無係於衝脈。古有明文。乃骨空論獨謂衝脈

起於氣衝者。則以氣衝之穴。本與足少陰之橫骨穴甚近。且以衝之一字。而連類及之耳。蓋脈管周流。固多交互。洗以氣衝橫骨。俞穴連聯。則彼此貫通。理亦可信。所以二十八難。亦謂衝脈起於氣衝。並陽明之經。俠齊上行。祇是陽明少陰。皆俠任上行。部位伊邇之故。原不必刻舟求劍。必謂難經之不是。頤於拙編。難經箋。已詳言之。但氣衝之穴。亦不當列入衝脈條中。以誣古人。而開師心自用之惡例。李氏瀕湖奇經考。竟因骨空論及二十八難有此一語。遂以氣衝二穴。并合橫骨大赫等之二十二穴。而曰凡二十四穴。未免自吾作古。不可爲訓。〔素舉痛論〕寒氣客於衝脈。衝脈起於關元。隨復直上。寒氣客則脈不通。脈不通則氣因之。故喘動應手矣。

〔注〕此又謂衝脈起於關元。然關元爲任脈穴。考甲乙外台。止言任脈足三陰之會。皆不及衝脈。則衝脈亦不會此。而經文又爲此說者。仍以任脈衝脈。及足少陰三者。皆自下而上。部位既近。脈氣自通。亦猶骨空論謂起於氣衝之意耳。

若以經穴言之。則衝脈條中。亦必不可并及關元。寒邪客之。而脈氣不通。鬱遏結寒。故脈不流利。應手搏擊。此喘字以脈勢之促急彈擊而言。非氣喘之喘。內經言脈喘甚多。皆當作如是觀。不可與喘嗽氣喘之喘混同一例。且素問更有作喘字者。其非喘嗽之義。更爲明瞭。

〔甲乙經奇經八脈篇〕曰少陰之脈。獨下行何也。曰衝脈者。五藏六府之海也。五藏六府皆稟焉。其上者出於頰頰。滲諸陽。灌諸陰。其下者注少陰之大絡。出於氣衝。循陰股內廉。斜入膕中。伏行髀骨內。下至內踝之後屬而別。其下者至於少陰之經。滲三陰。其前者伏行出屬跗下。循跗入大指間。滲諸絡而溫肌肉。

〔注〕此又言衝脈與足少陰之相通也。骨空論雖言衝脈上至胸中而散。蓋止以其大畧言之。而其氣既與少陰並行。則少陰之上者固循喉嚨而挾舌本。正與甲乙此條上出於頰頰相合。而其下行者。則又循陰股內廉。斜入膕中。蓋亦與少陰之經並行。所謂至內踝之後屬而別者。未始不與少陰之太谿大鍾水

泉諸穴相合。其下者至少陰之經。以滲三陰。蓋卽以三陰交穴而言。少陰既交會於此。則衝脈亦當至此。其前者又出跗下。以入大指。則亦少陰之支別。故經脈篇無此。入大指間之一支。今本靈樞順逆肥瘦篇同此。惟諸陰作諸精。以上句諸陽例之。則甲乙爲長。又脾骨靈作胛骨。以上句膈中例之。則此句已在膈中之下。當以靈樞爲是。又屬跗靈作跗屬。以骨度篇跗屬例之。亦以靈樞爲是。蓋跗屬卽足跗之通稱。此蓋今本甲乙傳寫之譌。惜近之甲乙。祇見坊本。別無善刻一校之耳。

〔又〕衝脈任脈者。皆起於胞中。上循脊裏。爲經絡之海。其浮而上者。循腹上行。會於咽喉。別而絡唇口。

〔注〕見上任脈本條。

〔又十一經脈絡脈支別篇〕衝脈者。十二經脈之海也。與少陰之絡。起於腎下。出於氣衝。循陰股內廉。斜入膈中。循胛骨內廉。並少陰之經。下入內踝之後。足下其

別者。斜入踝內。出屬跗上。入大指之間。以注諸絡。以溫足趾。

〔注〕此前奇經八脈節之意。且字句亦復大同小異。皆言衝脈之並於步陰者也。今靈樞動腧篇與此同。惟十二經脈。靈無脈字。少陰之絡。靈作少陰之大絡。筋骨靈作胫骨。益可知甲乙前條髀字之誤。足下之上。靈有入字。踝內。靈無內字。足跗。靈足脛。雖異文不少。然大旨皆無甚區別。

衝脈俞穴歌

太衝脈起至陰中。源出會陰督任同。假道少陰並巒走。媿連橫骨大赫通。氣穴四滿復中注。更會少陰任之腧。〔腧叶去聲音戊〕齊下一寸是陰交。又向旁趨盲俞。遇商曲石關仍少陰。陰都通谷幽門尋。左右廿二中行兩。二十四穴此同岑。

衝脈俞穴考

衝脈氣所發者。據素問氣府論。止有二十二穴。卽足少陰之橫骨大赫。氣穴四滿。中注盲俞。商曲石關。陰都通谷。幽門是也。惟甲乙外台。皆言會陰爲督任衝脈之

第三十三期 專論門

十四

會。又陰交一穴。亦曰任脈衝脈少陰之會。是爲魏晉以上相承之舊。茲據以補此會陰陰交兩穴。則衝脈之穴。共爲二十有四。偶者廿二。而奇者二。雖與李氏奇經考之衝脈二十四穴同數。而瀕湖之所錄氣衝二穴不與焉。

論說門

中國醫學沿革概論

續三十二期

神農時代之醫藥

理事 楊煥文

我國醫藥之興。始於神農。神農以前。可謂爲純粹神祇時代之醫術。當時民智未啓。皆以疾病爲鬼神所祟。欲免其病。惟有媚鬼神尙祈禱而已。故祝由、禁咒之流。最爲人民所信仰。觀古醫字作醫。从毇。从巫。斯所想見矣。至神農氏教民稼穡。嘗味百草。於是草木中某也有毒。某也無毒。某也催吐。某也促瀉。皆辨明之。並用催吐之草木。以治心窩苦悶之患。用促瀉之草木。以治腹脹便閉之患。於是山、祈、禱、之治療。一進而爲藥物之治療矣。考史記謂神農氏嘗百草。始有醫藥。淮南子修務訓曰。神農乃始教民嘗百草之滋味。當此時一日而遇七十毒。由此醫方興焉。劉恕通鑑外記曰。民有疾病。未知藥石。炎帝始味草木之滋。嘗一日而遇十二毒。

神而化之。遂作方書以療民疾。而醫道立矣。典籍昭然。故我國醫藥之興。當以神農爲始。神農有本草經三卷。載藥三百六十五味。分上中下三品。單行本不傳。世謂唐慎微本草所載。其刊本以陰文書者。爲其原文。又有謂本經所云藥物產地。有後漢之郡縣。認爲仲景元化所記者。實則我國在秦漢以前。各種學術。師說相承。多憑口授。或間以已意竄入。以便記憶。是亦恒情。要之本經。作自神農。實無疑義。觀素問至真要大論。歧伯論藥有三品之說。適與本經之例符合。而著至教論。雷公上通神農之語。尤可證神農必有所作。以昭示後代。是故本經者。乃我國藥物學之鼻祖也。

論難經所言狂癲病理頗與素靈不符

續名醫理事

張山雷

間嘗以素靈之所謂狂巔疾者。彙而考之。當以脈解篇太陽所謂狂巔疾者。陽盡在上。而陰氣從下。下虛上實。故狂巔疾也一節。最爲明白曉暢。蓋其所指爲太陽者。本以陽氣極盛言之。（此太陽即易學家之所謂老陽。非十二經中之太陽。不

可誤認。近人莫枚士研經言癩說一篇。謬謂病自足太陽經來爲可治。正以誤讀此太陽二字。作爲太陽之經。是以所說全篇皆成噬語。惟其陽盛而盡在於上。故爲狂巔之疾。正合西學家血沖腦經之義。在素問固明明謂之下虛上實。則陽盛於上。尤爲顯着。「脈解篇此節惟陰氣從下四字不可解。近見袁刻太素亦同。蓋傳寫有誤。」古人且以狂巔疾三字合而言之。此必不可以兩字之病名。強析之爲一陽一陰。厥論謂陽明之厥。巔疾走呼。妄見妄言。則所謂陽明者。亦陽盛之義。如正月二月爲少陽。三月四月爲陽明。五月六月爲太陽之例。亦非十二經脈中之陽明。通評虛實論。謂癩疾脈搏大滑。久自已。脈小堅急。死不治。王注謂脈小堅急爲陰。陽病而見陰脈。故死不治。則啓玄亦知癩疾爲陽病。宣明五氣篇。謂邪入於陽則狂。又謂搏陽則爲巔疾。靈樞九鍼論第七十八。亦言邪入於陽則爲狂。又曰邪入於陽。轉則爲癩疾。「靈樞此節上下文。皆與素問宣明五氣篇大同小異。則轉字蓋卽搏字傳寫之譌。」凡此諸節。皆內經狂癩同爲陽病之確據。且與

調經論血之與氣并走於上二句同一病理更証以西學血冲腦經之說無不同條共貫此胡可僅據其一時之情狀而可謂此陽被陰判若水火者是以金匱亦謂陰氣衰爲癲〔此所謂陰氣衰正是陽氣盛而陰不能涵斂之義亦與難經重陰之旨判如霄壤〕至千金方又謂邪入於陽傳則爲癲瘖則又後人之明知癲爲陽病者從可知難經重陽重陰之說既失內經本旨而又大非病理之實在即五十九難以二者之名分析爲動靜兩層亦必非古人命名之真義此必淺人推測姑妄言之誰謂越人竟能爲此獨斷獨行敢以欺盡天下後世而謂他人皆不知考正內經以來相詰責耶然脈經本之則曰陽附陰則狂陰附陽則癲巢氏病源本之則曰風邪入并於陽則爲狂入并於陰則爲癲〔見第二卷風癲候及風狂病候又婦人病癲狂亦同〕孫氏千金本之亦曰風入陽經則爲狂風入陰經則爲癲皆以一盲而引群盲實卽難經始作之備是胡可不遠証之素問九靈以正二千餘年相承之謬耶

素宣明五氣篇。謂陽入之陰則靜。陰出之陽則怒。雖與狂巔二者同爲一節。然各有主義。非即以靜承上文之巔。而以怒承上文之狂也。其上文謂邪入於陽則狂。邪入於陰則痺。搏陽則爲巔疾。搏陰則爲瘖。固明明以陽之狂。對陰之痺。又以陽之巔疾。對陰之瘖。素問文義。未始不軒轅呈露。明明狂巔二者。同是陽病。萬無可以指鹿爲馬之理。然則難經必以巔爲重陰者。寧非離經背道之尤。誤盡天下後世。而五十九難。又以兩者病態。顯分彼此。各爲曲繪。其陽動陰靜之情狀者。豈即誤讀宣明五氣篇陽入之陰。陰出之陽兩句。而以爲承上狂巔言之。遂有此無知妄作也耶。果爾則斷鶴續鳧。戾已不可究詰。竊怪夫周秦間之醫家者言。何已鄙陋。至於此極。豈上古神聖相傳之心法。至戰國時而已掃地盡耶。又何惑乎六朝隋唐以後。諸醫書更多穿鑿附會。而不可盡信也。噫。尙何言哉。

修正傷寒論文之商榷

續三十二期

理事

費澤堯

太陽病發熱惡寒熱多寒少脈微弱者此無陽也不可發汗宜桂枝二越婢一湯

〔修正〕太陽病發熱惡寒。熱多寒少。宜桂枝二越婢一湯。脈微弱者。此無陽也。不可發汗。

此條諸家頗多辯議。有謂無陽二字誤者。〔舒詔〕有謂越婢二字誤者。〔柯琴〕其他矛盾傳會。尤堪捧腹。惟成無已依知之爲知之。不知爲不知之訓。竟不下註。可謂老成持重。其實原文字句。並無舛誤。不過全文用倒筆法叙出。以致難索解人。今特順文義爲之修正。自覺豁然通解矣。

少陰病吐利躁煩四逆者死〔刪去〕

按本論有云。少陰病吐利手足逆冷。煩躁欲死者。吳茱萸湯主之。然則不致絕無治法。何得遽云曰死。舒詔疑有缺文。鄙意不如刪去。

誌 三陽合病脈浮大上關上但欲眠睡目合則汗○三陽合病腹滿身重難以轉側口不仁面垢讞語遺尿發汗則讞語下之則額上生汗手足逆冷若自汗出者白虎湯主之〔合並修正〕三陽合病脈浮大上關上但欲眠睡目合則汗或自汗出。

腹滿身重。難以轉側。口不仁而面垢。語讞遺尿。白虎湯主之。若發汗則讞語甚。下之則額上生汗。手足逆冷。

兩條均爲三陽合病。而前條脈症。爲後條所無。後條主方。爲前條所缺。實則互爲發明也。惟以原本將前後兩條。分列於陽明少陽篇中。〔叔和編次之咎〕以致引起常器之龐安時輩之誤會。良可哂也。今爲免除後人誤會起見。合爲一條。并加修正。而字甚字。根據玉函。其他字句移易。無非使經義明曉。非敢好爲杜撰也。

發汗後不可更行桂枝湯。汗出而喘。無大熱者。可與麻黃杏仁甘草石膏湯。○下後不可更行桂枝湯。若汗出而喘。無大熱者。可與麻黃杏仁甘草石膏湯。〔合并修正〕無汗而喘。大熱者。可與麻黃杏仁甘草石膏湯。

發汗後不可更行桂枝湯。及下後不可更行桂枝湯。均宜刪去。有汗不得用麻黃。無大熱不得用石膏。方證不符。柯韻伯謂無字。舊本訛在大熱上。前輩因循

不改。隨文衍義。爲後學之迷途。洵是確論。爰從柯本修正。

傷寒本自寒下醫復吐下之寒格更逆吐下若食入口卽吐乾薑黃芩黃連人參湯主之〔修正〕傷寒本自寒格醫復吐之更逆若食入口卽吐乾薑黃芩黃連人參湯主之。

金鑑云。經論中並無寒下之病。亦無寒下之文。玩本條下文寒格更逆吐下。可知寒下之下字。當是格字。文義始屬。註家皆釋胃寒下利。不但文義不屬。且與芩連之藥不合。語頗中肯。第二句。玉函千金翼全書悉作醫復吐之。甚是。更逆指本自寒格醫復吐之而言。文義尤顯。吐下二字。當屬衍文。惟柯本并更逆二字刪之。似嫌粗魯。

汗出譫語者以有燥屎在胃中此爲風也須下者過經乃可下之下之若早語言必亂以表虛裏實故也下之愈宜大承氣湯〔修正〕汗出譫語者以有燥屎在腸中此爲實也下之愈宜大承氣湯。但須下者。過經乃可下之。下之若早。語言必亂。

以表虛裡實故也。

燥屎當在腸中。一字含糊。影響非淺。又此爲風也。風字亦難索解。魏荔彤指爲內經所謂胃風腸風作解。汪琥指爲風燥症作解。抑何可笑。今就經義改爲實字。似覺穩妥。末後句文移易。經旨益爲明顯。加一但字。無非使文氣順轉。固非好爲杜撰也。

陽明病下之心中懊憹而煩。胃中有燥屎者可攻。腹微滿。初頭鞭後必溏。不可攻之。若有燥屎者宜大承氣湯。〔修正〕陽明病。心中懊憹而煩。有燥屎者可攻之。宜大承氣湯。若腹微滿。初頭鞭後必溏。不可攻之。

下之二字。必爲衍文。不然。下後心中懊憹而煩。乃屬虛煩。當與梔子豉湯。且既經下之。燥屎安得不去。亦無更用承氣之理矣。胃中二字。不如刪去。存之反嫌不妥。其餘字句移易。無非欲明經旨耳。未完

木剋土解


名譽會員 楊志一

五行生尅之說。爲世所詬病。亦有研究之價值者。若木尅土。在五行上言之。似乎陳腐。以新說證之。實有至理。蓋木者肝之代名詞也。土者胃之代名詞也。肝右胃左。相輔而居於中焦。肝爲剛藏而主藏血。胃爲陽府而主受納。肝胃之所以能安居無事者。全賴血足養肝。使不橫逆耳。若血分貧乏。不能養肝。則肝葉硬挺。肝氣橫逆胃府毗連。受其壓迫而作痛焉。是舊說所謂木來尅土而腹痛。不爲無見也。且進言之。肝火上薰於肺。肺失清肅而作咳嗽。是舊說所謂木火刑金而咳嗽。亦自有故也。明乎此義。則治痛之法。不僅在補土。尤在養血以柔肝。治咳之法。不僅肅在肺。尤在清熱以平肝。不待言矣。

地氣上爲雲。天氣下爲雨。釋

名醫 繆康壽
會員

天地者。陰陽之形體也。故曰清陽爲天。濁陰爲地。雲雨者。天地之精氣也。故曰雨出地氣。雲出天氣。夫地之精爲水。水升則化爲雲。天之氣爲雲。雲降則化爲水。人身水氣之輸化。亦猶是焉。胃中之水。由脾上輸於肺。猶之水升爲雲也。肺中之氣



原件短缺

P25-26

軒岐至精之學。不克昌明於後世。可慨也。

研究體溫及動力與中醫陽氣之說

郭大猷

陽氣發生之理。中西之說。雖似兩歧。然細按之。不過有詳略之異耳。蓋陽氣者。衛氣也。內經云。人受氣於穀。其清者爲營。濁者爲衛。營行脈中。衛行脈外。相隨上下。如環無端。以周遍於全身。溫分肉。充皮膚。肥腠理。司開闔者也。西說亦云。食物入胃。其所化之營養液。亦分二道。以輸送於全體。一爲微血管所吸收。以入於週身之血管內。卽中說所稱之營血是也。一爲乳糜管所吸收。以入於淋巴管內。淋巴管分左右兩幹。起於胸腔及頸之下方。與脈管並行。上下左右。交互錯綜。遍布於全體。管內有無色透明之淋巴液。能輔助血液行生理之任務。爲物質交換之媒介。有撲滅細菌之能力。確與中說衛氣之功用相同。特不過中說由反觀內景而得。在人體生活時驗之。故命之曰氣。西說從解剖死人而知。在溫度已冷時檢之。故命之曰液耳。以上不過但就其實質方面而言之。至其何以能溫。何以能動。又

有一原動力在焉。原動力何。卽內經所謂之腎間動氣也。此氣乃生人之命根。先天之真火。在母腹時。即賴此爲呼吸。既生之後。復藉口鼻吸入天陽之氣。薰蒸水穀。以爲人身之溫度。其上行者集於胸中。內經則名之曰宗氣。凡心肺之收縮。與血脈之流動。胥以賴之。譬之水蒸汽機。有炭無火。則炭不能然。有火無炭。則火不能著。有炭有火而無空氣。則亦不能以然燒。必炭火空氣三者兼備。而後鍋爐之水乃蒸。唧筒乃熱。機器乃行也。人身亦然。軀體猶機也。腎間猶火也。營衛猶炭也。營衛無命火。則不能以充膚熱肉。命火無營衛。亦不能以自立生存。但有營衛與命火。而無外入之天陽以爲助。則二者亦不足以生活。故必須營衛空氣命火三者齊備。而後方可以化水穀。充血脈。溫肌肉。肥腠理。營生活上必需之動作。西說但言空氣入肺。由肺細胞輸入微血管中。以交換炭養二素。是但知有炭與空氣。而於真火之理。猶略而未詳焉。此其微異也。

纂述門

(生理類)

論細胞

理事

楊百城
趙意空

人之始生。由父母之兩精相搏而成一元珠。此一元珠。即我國所謂之生元。西人就物質言之。則曰原始細胞也。由此一原始細胞而分裂為二。即是此一精珠配一卵黃。而兩兩相生。不已。以組織人體各部之器官。故無論何種器官。無一非細胞所組織而成。此一細胞。曷為倍數分製。皆因含有二性。所謂陰陽二氣也。人當未病之先。其陰陽二氣。克協於中。陰能涵陽。陽能生陰。二氣本由一氣所化。所謂道生於一也。及時序有不正當之六淫。中於人身之六經。六經應六氣。本有定位。以不正當之氣。中於人身。則不當其位。斯陰陽之序亂。而偏勝之害見矣。至於陰陽偏勝。斯病生矣。凡病生之部。細胞排列之狀態。必然變易。西人考察病原。知細

胞排列之狀態。因變易而生障害。故有細胞學。其學是基於解剖。中人不言細胞而言陰陽。陰陽乖和。此即細胞排列狀態變易之一大原因也。察其孰勝孰不勝。使適於中。泯其偏勝之害。而復其陰陽之序。此即使細胞排列之狀態復其原狀而已。故不言細胞。而但就陰陽言之。其學本於氣化。經曰謹識陰陽。無與衆謀。斯其義可深長思矣。

(衛生類)

張栗庵先生存書

續三十二期

形神調則生理修。鷓冠子

氣由神生。道由神成。同上

愛精惜神。內端者所以希天。天者神明之所根也。同上

人勤於禮者。神不外馳。可以集神。人勤於智者。精不外移。可以攝精。關尹

勤篤厚也。

莫如靜。莫如虛。靜也。虛也。得其居矣。取也。與也。失其所矣。列子

心凝形釋。骨肉都融。不覺形之所倚。足之所履。心之所念。言之所藏。同上

體合於心。心合於氣。氣合於神。神合於無。同上

處乎不深之度。而藏乎無端之紀。游乎萬物之所終始。壹其性。養其氣。含其德。以通乎物之所造。夫若是者。其天守。其神無郤。物奚自入焉。同上

按莊子引此。深作淫。含作合。

鄉譽不以爲榮。國毀不以爲辱。得而不喜。失而弗憂。視生如死。視富如貧。視人如豕。視吾如人。處吾之家。如逆旅之舍。觀吾之鄉。如戎蠻之國。同上

張注。無往不齊。則視萬物皆無好惡貴賤。忘彼我。忘家國也。

死生存亡。窮達貧富。毀譽飢渴寒暑。是事之變命之行也。日夜相代乎前。而知不能規乎其始者也。故不足以滑和。不可以入於靈府。使之和豫。通而不失於兌。使日夜無郤。而與物爲春。莊子

郭注。滑亂也。靈府。精神之宅。章曰。兌。讀若悅。王粲傳。表以粲體弱通悅。春。說文推也。言與物推移。

古之真人。其寢不夢。其覺無憂。其食不甘。其息深深。至人之息以踵。衆人之息以喉。屈服者其嗑言若哇。其耆欲深者其天機淺。同上

成氏立英曰。真人無情慮絕思想。故雖寢寐寂泊而不夢。以至覺悟常適而無憂。同塵而食。不耽滋味。心性和緩。智照凝寂。至於氣息亦復徐遲。寬按。荀子云。不以夢劇亂知謂之靜。與此相發。

又按雲笈七籤三十二引慎子云。晝無爲者夜不夢。

又按嚴谷山人江表曰。或問何者爲息。余曰。循陰陽以左右。隨子午以消長者。是也。其運如未嘗止之輪。其旋如不可盡之環。與元氣交通。晝夜不息。老子列禦寇所謂冲氣者也。子知所以守息。則知所以養氣。知所以養氣。則知所以入道。知所以入道。則抱一禪定。固無殊致也。老子曰。綿綿若存。用之不勤。子歸而

求之。斯有得也。又曰。莊周言養形之士。吹煦呼吸。此特其淺淺者爾。形神俱妙。蓋本於襲氣母。老子曰。玄牝之門。是爲天地根。不死之道。其在是乎。

殺生者不死。生生者不生。其爲物。無不將也。無不迎也。無不毀也。無不成也。其名爲櫻寧。櫻寧者。櫻而後寧者也。同上

崔云。除其營生爲殺生。常營其生爲生生。寬按。殺。薄也。即上文外生之意。章曰。將。送也。楊氏曰。櫻。煩擾也。寧。沈靜也。郭曰。與物冥者。物榮亦榮。而未始不寧也。寬按。此程子動亦定。靜亦定之意。

無聽之以耳。而聽之以心。無聽之以心。而聽之以氣。聽止於耳。心止於荷。氣也者。虛而待物者也。惟道集虛。集虛者。心齊也。同上

成玄英曰。耳根虛寂。不凝官商。反聽無聲。凝神心荷。心有知覺。猶起攀緣。氣無情慮。虛柔任物。故去彼知覺。取此虛柔。遣之又遣。漸階玄妙。

俞氏蔭甫曰。聽止於耳。當作耳止於聽。言耳之用止於聽而已。故無聽之以耳。

心之用止於符而已。故無聽之以心也。符之言合。與物合則非虛而待物之謂矣。

成曰。唯此真道。集在虛心。故虛心者。心齊之妙道也。按金華宗旨云。難能抱卵。心常聽。可證莊生心聽之義。

墮肢體。黜聽明。離形去知。同乎大道。此謂坐忘。同上

成玄英曰。心靈既悟。一身非有。萬境皆空。枯木死灰。冥同大道。如此之益。謂之坐忘。

至道之精。杳杳冥冥。至道之極。昏昏默默。無視無聽。抱神以靜。形將自正。必靜必清。毋勞汝形。毋搖汝精。乃可以長生。目無所見。耳無所聞。心無所知。汝神守形。形乃長生。慎汝內。閉汝外。多知爲敗。同上

墮爾肢體。黜爾聽明。倫與物忘。大同乎淳溟。解心釋神。莫然無魂。萬物云云。各復其根。各復其根而不知。混混沌沌。終身不離。若彼知之。乃是離之。無閒其名。無闕

其情物故自生。同上

司馬彪曰。泔溟自然氣也。史公曰。形神離則死。寬按物謂大藥也。

視乎冥冥聽乎無聲冥冥之中獨見曉焉無聲之中獨聞和焉故深之又深而能物焉神之又神而能精焉。同上

郭曰。視聽不寄之於寂則有闇昧窮其源而後能物。物極至順而後能盡妙。

平易恬淡則憂患不能入邪氣不能襲故其德全而神不虧。同上

其寢不夢其覺無憂其神純粹其魂不罷虛無恬淡乃合天德故曰悲樂者德之邪喜怒者道之過好惡者德之失故心不哀樂德之至也一而不變靜之至也無所於忤虛之至也不與物交淡之至也故曰形勞而不休則弊精用而不已則勞勞則竭。同上

純素之道惟神是守守而勿失與神爲一一之精通合於天倫。同上

古之治道者以恬養知知生而無以知爲也謂之以知養恬知與恬交相養而和

理出其性。同上

方植之曰。務寧靜寡欲。不逐無涯之知。是謂恬養。知既。知此理而依此用功。以造於定靜。是謂知養。恬知交相養。自古聖賢。莫不皆然。

棄事則形不勞。遺生則精不虧。形全精復。與天爲一。天地者。萬物之父母。合則成體。散則成始。形精不虧。是謂能移。精之又精。反以相天。同上

郭曰。能移。與他俱也。

純粹而不雜。靜一而不變。淡而無爲。動而以天行。此養神之道。同上

巧者勞而知者憂。無能者無所求。飽食而遨遊。汎乎若不繫之舟。同上

南郭子綦隱機而坐。仰天而嘯。答焉似喪其偶。顏成子游立侍乎前曰。何居乎。形固可使如槁木。而心固可使如死灰乎。今之隱機者。非昔之隱機者也。子綦曰。偃不亦善乎。而問之也。今者吾喪我。女知之乎。同上

孔子見老聃。老聃新沐。方將披髮而乾。熱然似非人。孔子便而待之。少焉見曰。某

也。眩與。其信然。與向者先生形體掘若稿木。似離人而立於獨也。老聃曰。吾遊心於物之初。同上

材慤者常安利。蕩悍者常危害。安利者常樂易。危害者常憂險。樂易者常壽。憂險者常夭。荀子

按。材當作朴。

六十八齡老人之衛生談

名譽會員 沈仲圭

- (1) 黎明即起。至郊外或空氣新鮮曠地上。作步履運動半小時。
- (2) 八時用早膳。粥兩小盃。粥菜不擇油腥。
- (3) 八時半盤膝面向黑暗處靜坐半小時。
- (4) 九時至下午五時半辦公。中間除十二時午膳一小時。午膳後休息一小時。
- (5) 八時半仍盤膝面向黑暗處靜坐一小時。十時就寢。
- (6) 每膳時必將飯菜嚼至極爛而嚥下。取其易於消化。食不可過急。過急則胃易

受損。若至飢餓時而急食。不特胃中膨脹。且使胸間作痛。

(7)晨起小便時。將牙齒咬緊。則終其身不致搖落。且無牙痛之患。

(8)就寢時食燕生補丸一粒。每夜如此。不可間斷。則永無積滯便閉之患矣。「圭按燕醫生補丸。瀉藥也。服瀉藥以通便。恐傷腸胃。不如以微溫水灌腸爲妙。」

胃不和則臥不安解

沈仲圭

胃不和則臥不安一語。○讀素靈者。○莫不讚其深契病情。○願能明其原理者。甚鮮。○圭不辭愚陋。○解之於次。○

考由腦出發之神經。○凡十有二對。○其第十對起於延髓。○迄於胃府。○而司心肺胃諸藏器之運動及感覺者。曰迷走神經。○〔又名肺胃神〕經胃若有熱或停食而失生理之常態。○神經蒙其影響。○遂難酣睡。○經謂胃不和則臥不安者。○其理蓋如是耳。○

愚嘗謂內經一書。○文詞古奧說理簡約學者不易領悟。○苟取西人之新說作

經文之注脚○恒有得其片言○用之無窮者○海內碩彥○其有意乎○企予望之○

不眠之理及速眠之法

名譽會員 楊詔陽

吾人當運用某部分時。則氣血即集注於某部。無論用心思筋力。莫不皆然。是以吾人之夜深不能安寐者。必在運思之後。夫既運用其腦。則氣血自上集注。衝激腦筋。拓其思想。此時靈機發動。思念雜呈腦海中。以是而氣血愈升。氣血愈升。念愈不息。念不息而寐亦愈不可得。其苦誠足令人難堪。欲求安眠之法。莫若屏除雜念。注意足心。或臍下。注意足心臍下並可却病長生。欲知其詳請讀因是子靜坐法。使氣血下行。蓋氣血以下行為順。氣血下行。則天君泰然。自可即入黑甜鄉裏。本雜誌二十七期已有劉先生之數法催眠。本無庸余之辭費。然睡眠關係人之健康甚巨。故不厭再三討論也。

(病理類)

病理公例

二氣血

理事 楊百城

前篇詳言營衛。若夫由衛及氣。由營及血。則病重矣。西人論病。專主血言。中醫論病。則兼及氣矣。實則氣血二者。不可偏廢也。如人用力時。方其動運也。氣先至焉。氣至而血隨之矣。又如人運思時。方其凝注也。氣先聚焉。氣聚而血從之矣。故入營。某一部。肢節。經脈。臟腑。發現功用時。此一部之功用。加多。他一部之功用。必減少。血氣之多少。即因之失其常度。而不得其平。是即疾病之根源也。故病有虛實二種。何謂實。血氣過多之症也。何謂虛。血氣缺少之症也。有全體俱實。全體俱虛者。則由於稟賦。也有此臟虛。彼臟實。此臟實。彼臟虛者。則由於氣血之運行也。故病之提綱。不外虛實兩大綱。

更進而言之。氣實而強。斯氣有餘也。則化爲火。火性炎上。而血之行行者。必多。氣虛而弱。斯氣不足也。則凝爲水。水性就下。則血之下行者。必多。上行之血多。則下

行之血少。上行之血少。則下行之血多。故病有上實下虛。上虛下實之症焉。未完

再續欬嗽考證

理事

武同文

全遺論欬嗽。未列專條。祇叙於痰飲之下。蓋以欬嗽必因之痰飲。然五飲之中。獨膈上支飲。最為欬嗽根底。外邪入而合之固欬。即無外邪而支飲漬入肺中。亦自足令欬。支飲久蓄膈上。其下焦之氣。逆衝而上。尤易上下合邪也。夫以支飲之故。而令外邪可入。下邪可上。不去其支飲。其欬終無寧字。欬家其脉弦。十棗湯主之。正謂急弦之脉。必以去支飲為亟亟。不治其欬而治其飲。仲景意中之隱。不覺豁然宣露。又陰陽類論。二陰二陽病在肺。少陰脈沈。勝肺傷脾。外傷四支。腎精之上通於肺者。從脾土而上升。二陰二陽相類而病在肺者。腎水從陽明而直乘於肺。是以肺反病。少陰脈沈。是心腎不交矣。水不濟火。則火熱炎上而勝肺。水不灌於中土。則土燥而脾氣損傷而欬。外傷四支。蓋土受水津之濕。而後能灌溉於四肢也。是臟腑之欬。由肺所傳。則肺為主臟。而臟腑其兼者也。經言形寒。外感之風寒。

也。飲寒者。內傷飲食也。外感之欬。與內傷之欬。其所本不同。而治亦不同。外感之欬。其來在肺。故必由肺以及他經。此肺爲本。而他經爲標。內傷之欬。先因傷他經。故必由他經以及肺。此他經爲本。而肺爲標。使內傷不審他經而直治肺。則真陰無由以復。陰不復則欬終不能愈。外感者使不治陽而妄治陰。則邪氣何由以解。邪不解則欬終不能止。故經曰治病必求其本。此之謂也。外感之症脈緩和。甚者則脈或弦滑微數。但其素無積勞虛損等証。而陡病欬嗽者。卽外感也。若內傷之嗽。其來有漸。或因酒色。或因勞傷。必先有微嗽。而日漸以甚。其證或爲夜熱潮熱。或形容瘦減。或兩頰常赤。或氣短喉乾。其脈輕者亦必微數。重者必細數弦緊。外來之嗽暴。內傷之嗽徐。外因寒邪。內因陰虛。外者可溫散易效。內者宜補宜和難效。然或脈症素弱而忽病外感者有之。或形體素強而致內傷者有之。此中疑似。但於病因脈色中細體認之。自有聲應可證者。况嗽之源。心火之勝也。內經云。秋傷於濕。冬生欬嗽。冬水既旺。水濕相接。隔絕於心。心屬離火。火因隔不克下降。反

而炎上。肺金被燦。發而爲嗽。金燬既久。喉中自不能發乎聲矣。於此而從事於肺於腎。皆非治也。去濕豈非不易之良規乎。

陰暑辨

名譽會員 繆康壽

暑者何。夏月之熱病也。仲景謂之中暍。河間謂之傷暑。所用之藥。皆宜清涼解暑之劑。夫豈可用辛溫發散。辛熱溫中之劑乎。乃者不明暑字之義。妄以夏月傷寒。名曰陰暑。致啓後人之惑。或謂夏月無傷寒。然香薷荆防之辛溫。理中大順之辛熱。皆用於夏日。此非傷寒之治法乎。何以云無傷寒耶。改稱陰暑。名殊不正。凡夏月之畏暑貪涼。不避寒氣。或於深堂大廈。或於風地樹陰。或以乍寒乍熱之時。不謹衣被。以致寒邪襲於肌表。而病爲發熱頭痛無汗惡寒。身形拘急。肢體痠痛等症。此乃夏月之太陽傷寒也。治宜辛溫發散爲主。又有不慎口腹。過食生冷。以致寒涼傷臟。而爲嘔吐瀉痢腹痛等症。此夏月之太陰傷寒也。治宜苦熱溫中爲主。此當以傷寒之法治之也。若夫因暑而爲病者。在仲景卽爲之中暍。凡以盛暑烈

日之中。或於長途。或於田野。不辭勞苦。以致頭痛煩躁。身體大熱。大渴。大汗。脈浮。氣喘等症。此以暑而受病。故名傷暑。治宜清涼解暑爲主。與傷寒有冰炭之異。烏可同日而語哉。

中西論瘧比較談

名譽會員 羅燮元

自西人科學昌明。凡事皆重實驗。不尙空談。如製藥者。必令先明理化。以考其物質之成分。藥性補瀉之功能。而效驗著。施手術者。必先精解剖。以察其臟腑之位置。氣血之循環。皮肉筋骨之層折。而生理明。診斷時。聞聲有筒。考熱有表。必須歷驗有據。然後憑症下藥。其觀察之精。有如此者。迨顯微鏡出。更能鑿及微塵。凡空間所含微生物。前所不能見者。今已洞若觀火。可謂精且詳也。於是醫科一變。從前之原則。無病不推原於微生物。此風東漸。遂及吾華。我國人乃震於彼之機械精良。手術完備。亦棄其所學而學。鑿鑿乎有奪此而代彼之勢。然鄙人對於中西學說。素無主奴之見。惟求真理所在而已。其中西優劣。究竟有無徹底判決。

尙在懷疑之間。若不比類而觀。折衷安能悉當。惟是病症多端。不能盡舉。今單就彼論瘧疾。與吾內經較其異同。孰優孰劣。自然瞭如指掌矣。論具左。

第一章關於中西論瘧之主要原理

西說曰。本病爲有一定時刻而發止者。一名泥瘴熱。又名間歇熱。又屬流行性。卽多在池沼近旁或溼地發之者。其原因係那烏愛倫氏及里希耶爾德二氏發見。有所謂麻刺利亞布拉司莫惹恩之寄生生物存於血液中。

西醫胡定安釋之曰。從前外人不知瘧疾來歷。也同吾華所講是由風邪暑濕而成。但到一千八百八十年時。有賴肥郎在阿爾吉爾地方。首先發見瘧疾的孢子虫。這就是瘧疾的病源體。如孢子虫走到赤血球裏去。就成瘧疾了。但是孢子虫從何處輸送到赤血球裏去。還是不甚清白。因此令人懷疑。就有三種說法。一種說是從惡空氣而起的。一種說是從飲料水裏來的。一種說由蚊虫媒介而傳染的。這最後的學說。是羅斯這個人所說的。他曾經看見鳥類被蚊虫咬後。便發生

這病。後來葛萊齊和高黑兩人。又確實證明人之瘧疾。也是由蚊蟲媒介而來。經過許多醫學名家試驗。現在大家都已確認這說。於是那惡氣傳染和飲水傳染的臆說。自然也就完全打破了。至孢子蟲由蚊蟲媒介於人體而發瘧疾。其流行狀況。人多未知。原來夏秋兩季。正是蚊蟲得勢之時。所也瘧疾就在這時候流行起來。當流行時。假如一人病此。其血裏就有許多病原體寄生着。蚊蟲咬這病人的時候。此血被他吸去。自然那孢子蟲也就進到蚊蟲的肚內去。到咬別人時。又將病毒放進去。那人又跟着發病來。這樣一個個的傳染開去。就成就了一時的流行瘧。節錄瘧疾一夕談

據西醫所論。從前也如中醫專憑理想。後經賴肥郎諸人發明。始由理想而進於實驗。於是醫學革新。風動全歐。已爲學者奉若圭臬。其學似無可議之必要。今以我國中醫陳腐之學說。與彼較其短長。毋乃戴盆望天。所見不廣。然而理本無窮。事有一定。若不比類而觀。優劣終難懸斷。是以不揣冒昧。爰採內經學說。質之西

醫。未知其許我乎。試據素問瘡論而申論之。

帝曰〔夫痲瘡皆生於風之〕

據陳修園釋之曰。痲者皆也。瘡者殘瘡也。瘡疾總總不一。皆謂之瘡。讀痲瘡皆生於風一句。味一皆字。便知此一句爲諸瘡之總綱。夫六淫之邪。皆能成瘡。而風爲百病之長。言風可以概其餘也。

以修園之解釋雖明。亦不過隨文演義也。無徹底之解決。以余意度。黃帝乃開天明道之聖人。於開宗明義第一章。便用一風字爲提綱。我敢斷言。當時亦必有實據可憑。不是望空理想。因我國文字多是象形。每字均含有義。其所指風字。未必盡屬子虛。試將風字古文一覽便知。如風古作〔風〕。又篆作〔風〕。〔正字通〕釋風從天氣形從日中出氣成風。〔說文〕風動蟲生。故蟲入日而化。從虫凡聲。〔趙古則曰〕凡物露風則生虫。故風從虫凡聲。又蟲篆〇。與已篆〇。其形相近。〇即之變體。皆明其爲虫形也。據此字義觀之。不待西說發明。則我國數千年前早

已將空間所含微生物。皆歸納在一風字之中。是軒歧之聖。已非後人所及也。然而風之爲物。無色無形。視不見。嗅不着。其生虫之原理。果安在哉。不知凡空間所有形形色色。總總林林。無不賴此大氣以包舉之。於是冷熱回旋。運動風生。或遇不潔之物。或值窪下之地。內含腐敗物質。被風以動之。日以暄之。便起蒸發作用。而微生物均由此生也。證之西說。亦謂空氣除淡養氣而外。所含炭酸生物。細菌已復不少。可知中西學說。原無大異。不過文言繁簡。各有不同耳。夫人居此空間。吸清吐炭。無須與之可辭。所以能保此常態者。內有真氣爲之運用。外有皮毛各組織爲之維持。是以邪不易入。人多永壽。設因起居不慎。情志過縱。真氣自必受傷。以致內則臟腑。外則形身。抵抗機能均失功用。由是空間所含微生物。乘虛傳染。或從口鼻而入其胃腸。或從皮毛而泄其膚腠。勇者氣行則已。怯者則着而爲病。迨其潛伏既久。偶因他邪感觸。則如響斯應。而各症隨經傳變。以作也。觀於此。則中說以風爲百病之長。不爲無據。而微生物之緣起。亦於此更明矣。

其關於瘧疾之流行。更舉內經証之。未完

(診治類)

(診法)

色脈篇續三十二期


理事 楊百城

論五臟色脈內外證之現狀

經云經難假令得肝脈。其外證面青。善潔。善怒。其內證。臍左有動氣。按之牢若痛。其病四肢滿閉。淋洩便難。轉筋。有是者肝也。無是者非也。假令得心脈。其外證面赤。口乾。喜笑。其內證。臍上有動氣。按之牢若痛。其病煩心。心痛。掌中熱而腕。有是者心也。無是者非也。假令得脾脈。其外證面黃。善噫。善思。善味。其內證。當臍有動氣。按之牢若痛。其病腹脹滿。食不消。體重。節痛。怠惰嗜臥。四肢不收。有是者脾也。無是者非也。假令得肺脈。其外證面白。善嚏。悲愁不樂。欲哭。其內證。臍右有動氣。按之牢若痛。喘咳。洒淅寒熱。有是者肺也。無是者非也。假

令得腎脈。其外證面黑。善恐。欠。其內證。臍下有動氣。按之牢若痛。其病逆氣。小腹急痛。泄如下重。足趾寒而逆。有是者腎也。無是者非也。

此言五臟之色脈及內外證也。〔一肝臟〕診得肝脈。其脈弦而急。其面青。青者肝之色也。肝與胆合。為清淨之府。故善潔。肝者將軍之官。故善怒。此其外證之色脈情好也。若夫屬於內者。臍左肝之部也。按之有動氣。堅牢不移而或痛也。馮氏謂肝氣膜鬱。則四肢滿閉。傳曰風淫末疾是矣。厥陰脈循陰器。肝病故溲便難。轉筋者。肝主筋也。此內證之部屬所主病也。〔二心臟〕診得心脈。其脈浮大而散。其面赤。赤者心之色也。心火臟。主熱。故口乾。心火臟。志喜。發聲為笑。故善笑。此外証之色脈情好也。若夫屬於內者。心位高。下應臍上。臍上有動氣。按之堅牢不移而或痛也。其病煩心。心主煩也。甚或痛。掌中熱者。掌中。手心主所過之處也。心不受邪。受邪者。手心主爾。哕者。乾嘔也。心病火盛。故哕。經曰。諸逆衝上。皆屬於火。諸嘔吐酸。皆屬於熱是也。此內證之部屬所主病也。〔三脾臟〕



原件短缺

? 51-56

挺。蓋春溫皆冬季伏邪。詳於大方諸書。幼科亦有伏邪。治從大方。然暴感爲多。如頭痛惡寒發熱喘促鼻塞聲重脈浮無汗。原可表散。春令溫舒。辛溫宜少用。陽經表藥。最忌混亂。至若身熱欬嗽有痰之證。只宜肺藥辛解。瀉白散加前胡牛蒡薄荷之屬。消食藥只宜一二味。若二便俱通者。消食少用。須辨表裏上下。何者爲急施治。春季溫暖。風溫極多。溫變熱最速。若發散風寒消食。劫傷津液。變症尤速。初起欬喘促通行用 薄荷 連翹 象貝 牛蒡 花粉 桔梗 沙參 木通 枳壳 橘紅 桑皮 甘草 山梔 表解熱不清用 黃芩 連翹 桑皮 花粉 地骨皮 川貝 知母 山梔

裏熱不清。早上涼。晚暮熱。卽當清解血分。久則滋清養陰。若熱陷神昏。痰升喘促。急用牛黃丸至寶丹之屬。

若寒痰阻閉。亦有喘急胸高。不可與前法。用三白吐之。或妙香丸。

冬溫類

按冬月發病。謂之傷寒可也。而曰冬溫者。因東南地卑氣暖。於天地閉塞之時。忽有非時溫暖。腎氣不藏而腠理疏者。感之卽病。正與不藏精之春溫無異。是手經病溫。非足經病寒矣。葉香岩以冬溫爲病。乃正氣不能固藏。熱氣自裏而發。病必齒板舌乾。唇燥。目微紅。而油亮。語言不爽。呼吸似喘。邪伏少陰。病發三焦皆受。仲景謂發熱而渴者爲溫病。明示後人寒外鬱則不渴飲。熱內發斯必渴耳。治法清熱存陰。勿令邪熱熒劫津液。致惡瘵痙厥神昏譫狂諸證。故仲景復申治療法云。一逆尙引日。再逆促命期。且忌汗忌下。忌用辛溫。洵爲不刊之論。愚謂冬溫初起。或頭痛發熱無汗胸悶等證。先以葱豉蘇梗前胡桑杏等藥以解溫邪。重者可用桂枝黃芩杏仁厚朴等劑。若欬嗽發熱者。如連翹薄荷牛蒡黃芩桔梗瓜蒌橘紅杏仁竹茹竹葉枇杷葉地骨皮川貝母鬱金之類。口渴加花粉蘆根冬瓜子。咽痛加元參馬勃射干。隨證採擇。總以微辛宣通。微苦清降。以清膈熱爲主。不得遽用重劑。若乃北地寒冬。傷寒爲病。脈浮而散。倘使誤用石膏黃芩。則亦追悔無及。慎

之慎之。

(治療各稿)

鼠疫之治療法

續三十二期

名譽會員 許小士

疫之中人。皆由熱毒所感。其初起頭漸重。口微苦。肢體疲倦。或頰赤。唇焦。口苦舌燥。或頭先熱。或手足先冷。後熱。類感冒傷寒。不知感冒傷寒。脈則浮緊。而疫脈只見洪數。初起時脈尙可憑。此後則六脈雜亂。無可憑矣。所以要舍脈從症。疫不診脈。方書言之至再。此症係血管瘀滯。惟有望聞問可恃。望其神氣昏迷。聞其聲音艱澁。問其手足痠痺。有此三者。即可決其爲疫症矣。况又有結核。與夫熱渴臆語昏惰等現象可憑乎。故宜急服。未有不可挽回者。倘斯時遲疑不決。鮮不殆矣。查此方亦並非剋伐峻劑。而俗視桃仁爲禁忌。不知桃仁功用。去瘀生新。治此病者。正宜用以爲君也。

「寒熱」初起或惡寒。或不惡寒。此熱毒將發也。切勿誤認外感。手足或微冷或不

冷。此熱極生寒。勿誤作瘧疾。身微熱或壯熱。或乍涼乍熱。或外冷內熱。或自覺烘熱。或手按之裏面沉熱。有時服此藥後熱度轉增。而心內稍舒。再進數劑必漸退也。不必疑懼。或將愈時。額與兩太陽必留餘熱。或下午潮熱。勿誤作虛濼用補劑。勢必翻病。但大熱不退。症漸深。神漸昏。身驟涼。額微熱。手足冷。此險候也。重症之熱。以漸退爲佳。輕症則不拘。

「口舌」口必苦。初起亦不盡然。唇必紫或焦。血色所見最有憑。熱盛或焦黃。或兼牙痛。喉痛。火上炎。勿誤作風寒。舌或有苔。或未見苔。熱未發。或稍有黃點。熱將發。或白。熱在胃。或黃。熱漸發。或金黃。熱漸深。或絳赤色。熱在心。兩旁起沙點。俱有芒刺。熱甚。則舌心黑。毒攻心。險候也。若濕滑。兩旁淡黑。如食烏梅狀。則輕。不必疑懼。若額留餘熱難退。非石膏黃芩羚羊麥冬不可。此時舌必有白芒。因胃熱未清。或復增硝黃。輕劑緩治。切勿誤作虛寒潮熱。誤用補也。

「結核」或有核。或無核。或先核後熱。或先熱後核。或熱核同時發現。或熱久而見。

或純熱始終無核。症愈險。「無核難認，宜參以各症，切勿輕視。」或周身有核。或核大如鷄卵。或小如連珠。或隱於內。按之始覺。或痛或不痛。皆由血管積瘀。隨處皆可發現。不拘部位。但核爲標病。外治尙可緩。總須急服藥。以除血管之瘀。而核自消矣。病愈或變爲瘡。或流血水。此瘀外潰也。亦有流黃膿者。總之血管熱毒暴發也。

「渴嘔」初起或渴或不渴。津液未傷也。或大渴。宜重用石膏以救胃津。卽不渴矣。或嘔或不嘔。或初服藥輒嘔。胃熱逆拒。宜少加生薑汁和藥先服。此從權治法也。「泄瀉」或復痛或不痛。或覺悶脹。初起或陡然吐瀉。或身熱或不熱。或惡寒或不惡寒。毒中下焦。病一二日後或頻瀉清水。或兼藥水色。謂之旁流。毒注臟熱。迫而瀉也。有糞水無渣。服藥中病而大解。所下痰瘀。蓋此時毒入下焦。非重用大黃不爲功。勿誤作虛寒用補澁則死矣。「服大黃瘀積去反不瀉屢驗。」服大黃而瀉者。瘀熱去未盡耳。若下後或見疲倦不妨。切忌食粥飯。若瀉之不禁。神昏氣浮。敗症

也。

「見血」或鼻血。或吐血。咳血。咯血。二便下血。皆熱迫所致。切忌溫補。若服藥後見此。爲瘀毒外出。婦人非有月信之期而見血。亦同爲吉兆。不必疑也。或現錦斑黑疔。此血爲熱毒凝結也。症重。或現黃泡。此毒熱掀皮膚。或現紅疹癩點。皆爲輕症。若現赤白遊丹。此血燥也。故凡見血。俱宜重用西藏紅花。以去血分毒熱。

謹按鼠疫西醫名爲百斯篤。又名黑死病。謂由鼠族先染百斯篤菌而死。後由蚤或蚊爲媒介。而傳染於吾人。其害至速。并謂現今尙未有特效治療之藥。而結核之名。則別爲淋巴腺腫脹。或左右股腺與左右腋窩腺發炎等名。死亡爲百分之七十云云。療法宜注重食品衛生。及注重保護手足皮膚。慎勿損傷之。病人之排出物。〔如唾液。大小便。咯痰等〕均須以石炭酸水或石灰乳消毒。而衣裳寢具食品等。當以藥品消毒。或行日光消毒法。至爲要務。查中醫無此項精細之研究。但對於捕殺鼠族。及行種種消毒之法。吾儕當宗而行之。醫無畛域。活人而已。

傷寒留飲症治驗

名譽理事 劉蔚楚

余將適閩。道經香港。以事晤殿傳姪。見其神氣極沈困。問知病月餘矣。其病心下有水氣。微熟咳甚。吐清涎。悶不思食。望其色淡白。診其脈沈而小弦。尚知初病項強鼻鳴作嘔。時有微汗。甚惡風。歷治未愈。余曰。傷寒論太陽中風。桂枝症初病悉具。與桂枝湯。啜粥以助藥力。輕發經絡之汗當愈。乃治不如法。汗之未發者留爲水。水留心下。據脈症。非小青龍不可。麻黃錢半。白芍乾薑桂枝各二錢。半夏三錢。甘草五味子各一錢。細辛八分。加附子二錢。以溫中。水三杯。先煮麻黃。至水二杯。去沫。納諸藥。煮至一小杯。溫服。次早輪船啓行。囑其第二三劑麻黃減作一錢。復減至八分。第四劑改苓桂朮甘湯。胸中有微飲。當從小便去之。可服四劑。再後何如。以函相告可也。遂趁船而別。余到閩。得姪來函。言遵方次第服完。病良已。余思陳修園著傷寒論淺註。因文解義。依綱認症。以淺語而顯明。柯韻伯之精言。長沙方歌括註。小青龍謂寒傷太陽之表不解。而動其裏水。用麻桂從太陽以祛表邪。

細辛入少陰而行裏水。乾薑散胸前之滿。半夏降上逆之氣。合五味芍藥之酸苦。涌泄而下行。仍以甘草緩之者。令藥性不暴。則藥力周到。能入邪氣水飲互結處。攻之。將無形之邪氣從肌表出。有形之水飲從水道出。一並廓清。又引喻嘉言方名小青龍者。意在取其興波逐浪以歸江海。不欲其興雲升天而爲淫雨。若泥於麻黃太散。減去則不成其爲龍。將何恃以翻波逐浪乎。余繼用苓桂朮甘湯。亦是溫中利水之意耳。徐洄溪傷寒類方序畧。謂仲景舊論。得王叔和搜集。始得其證候診脈聲色對病真方。但雖分定六經。而語無詮次。致後人各生議論。每著書必前後更易數條。互相訾議。不知此非仲景依經方之書。乃救誤之書也。探求三十年。然後悟其所以然之故。於是不類經而類方。蓋方之治病有定。病之變遷無定。知其一定之治。隨其病之千變萬化而應用不爽。此從流溯源之法。病無遁形矣。至用藥各有條理。解肌發汗。攻邪散痞。逐水驅寒。溫中除熱。皆有主方。其加減輕重。又各有法度。不可分毫假借云。何其言之直捷了當耶。憶先師楊公曾治余姐。

丈韋潤生。有一次病微熱。但欲寐。脈沈而微細。主以麻黃附子細辛湯。他醫不愈者。兩日立愈。據脈候以辨症。遵經方以用藥。幾於依樣畫葫蘆矣。而神用昭然。又師初教余治病時。治一實熱兩目紅痛者。用三黃石膏湯。旋止旋發。師曰此等藥。改湯爲丸則愈矣。湯者盪也。過而不留。丸者緩也。如駐兵以勦寇。寇必殄矣。果然。又一服鹿茸大補藥者。反肉黃痿。身怠倦。然作腫脹。明知過於補膩。治以清消無效。師用麻黃湯。并非傷寒。而宣其氣以從內之外。亦效。乃繼以清消愈之。師不但救余病危。而諸如此類。及風寒痰濕之變幻。死生久近之豫期。多所訓迪。然臨大症。禦大變。自問無能。恆滋愧負。泰山梁木。思之每飯不忘。夫豈無因而至此。由斯以觀。亦何從見得經方之無神用。南省之無傷寒也哉。

記曹清華治產後陰虛肺熱症

名譽會員 周 鎮

家母於清光緒五年冬。小產之後。患咳嗽氣升。實因撫兒自乳。氣血愈虧。屢更醫藥。終不能減。至庚辰正月。病益加劇。痰多五色。喘發一次。二日一夜。不能食。不能

臥。面現青色。骨瘦如柴。十分凶險。錫城諸醫。初用溫散。以致如此。後延查家橋曹清華先生診視。陰虛肺熱。用扶正清肺。潛納虛氣。加西洋參、麥冬、冬瓜子、甜杏仁、青蛤散、蛤蚧。用炭燒紅。淬入醋中。鼻嗅。納氣歸源。繼以海參、淡菜與豬蹄。淡水白煮服之。直至三月十七日。氣喘方止。漸以復原而愈。

鎮按家慈現年七四歲。歷屆熱咳。以冬瓜子、茅根、知荅、黑梔、清肺於先。繼以鎮攝愈。年或發一二次也。至於老年之證。惟眩暈最劇。另詳拙案。丙寅夏識。

陳蓮峯先生紀甲子春日之麻症書後

名學
會員

樊楚農

連年搆兵。水旱頻仍。疫癘之蘊結有由來矣。是以人無老少。無男女。一遇其不正之氣。鮮有不病瘟者。特由體之強弱。而分其病之輕重耳。大抵體愈強者。病愈重。腠理密。發洩難也。春冬之際。溫症中以猩紅熱為最夥。按猩紅熱謂之麻疹也可。謂之疫痧也。亦無不可。西醫謂猩紅熱為最險最難治之症。麻疹疫痧亦何獨不然。近三五載來。黃河南北。疫癘尤夥。凡投柴胡桂枝升麻葛根之屬。未有不輕病。

加重。重病至死者。大抵溫病初起之際。用鮮葦根薄荷連翹銀花竹葉捲心川貝甘草芥穗之品。辛涼走表。雖是麻疹。未有不隨手而出。次則酌加鮮生地元參丹皮以善其後。多無他患。憶癸亥二月間。百泉衛姓一子三女。皆以溫病爲藥所誤。疫疹內陷。變態百出。衛姓四十餘。只此一子。三十餘醫環守其室。議論紛紛莫衷一是。攻補互施。熱涼雜投。均已危殆。飛車約予往返八十里。俟至其處。其子六歲。面白身涼。吐瀉不止。四味回陽飲已服一半。五小時不進勺水矣。其長女十二歲。兩耳流血。面紅有光。其次三兩女。均腹脹喘渴欲死。余先看其子之舌乾黑有刺。以舌鑑証之。知爲大熱無疑。脈則深伏。頗似虛弱欲脫之象。急令以羚羊犀角二味。不拘分兩。濃研頻服。既祛邪熱。又解藥毒。歷兩時許。繼以重劑白虎湯。吐瀉漸止。其兩耳流血者。以白虎湯及龍膽瀉肝湯斟酌而損益之。愈後並無耳聾之弊。其次三兩女喘渴。則以白虎湯仍加犀角投之。一內解。一疹復出。復以銀翹散並桑菊飲去芥穗。酌加涼血之劑。不過十日。次第皆愈。據此以觀。南北地氣不同。僅

第三十三期 葛洪門

六十八

燥濕之別。秉賦之強弱。似無甚區別也。卑濕之地。養陰之品。尤為不宜。蓋能添濕也。况以甲子司天。世補醫書言之頗詳。不運以傷寒之症。百不得一。故治溫者。尤以利濕為先務。金雞納霜。於瘧疾初起服之。流弊甚多。况溫病乎。陳君三公子之喘息頗急。未始非升麻之過。即鼻衄亦似柴胡有以釀之。幸而柴胡與石膏並用。不過鼻衄而已。否則必有邪熱入裏神昏譫語之險。時醫皖等省均有之於銀翹散清宮湯。不能稍解其大熱。最後往往以白虎湯加桂枝尖一錢而收效。此亦須容慎用之。不但此也。即芫荽三春柳之屬。只可外洗。不可內服。吳鞠通氏之書亦未可厚非。近頗有嘗其太偏者不佞之為此論。係研究而兼請益之性質。非敢妄議高賢也。

產婦乳眼不通疼痛治愈

理事 徐子久

王姓婦前二年因產後乳癰治愈後乳眼閉塞。乳汁遂斷。今春二月中旬又產。七八日間。乳汁將行。因乳眼既經閉塞。汁無路出。壅閉痛苦。實在難堪。其夫就予問

治。驟聞之下。亦覺爲難。繼而反復尋思。其所以作痛者。因乳汁無出路也。今能將乳汁尋一出路。使乳汁不至存於乳房。而從他處流走。則自不痛矣。雖如此設想。而無成法仿照。不得已爲擬一法。以圖什一之效。方用烏梅肉三錢爲君。將乳汁歛住。再用枳實厚朴半夏各錢半爲臣。能降氣下行者。使乳汁不至乳房。而從下走。又用懷牛膝一錢爲使。令其直通地道。佐以茯苓澤瀉各一錢行水便利者。使乳汁悉從小便而去。如此則乳房不壅。自無疼痛之苦矣。其夫依言購藥煎服。孰料一服之後。應如桴鼓。絕無些微之痛苦矣。彼因喜甚。特意告予。予亦竊喜。爰誌此敬貢諸我輩同志。可見我中醫之學理。奧妙無窮。能合乎醫理者。誠有手到病除之實驗也。

傷寒無脈證

理事

武老良

傷寒大證也。亦危證也。長沙而外。諸先哲著述詳明。獨於傷寒發脈於無脈之候。未曾啓發。長沙亦未論及。然傷寒中實有此變症也。在昔戰國時。有文摯其人者。

第三十三期 纂述門

七十

嘗治一傷寒人靜脈無。舌無苔。語言不亂。兩額赤如火。此病血爲熱搏。氣無所依。稍縱即逝。非使之大發斑點。脈不能現。急用化毒湯解之。繼以大承氣湯下之。脈乃發。病亦豁然。此脈無也。非絕之謂也。無則可使之有。絕則不可使之續。太極一圖。無中生有。此其明證。况此本有之脈。爲病所無也。今春二月十七日晚。武君孟獻請視病。係一女公子。診之兩尺俱無。觀其面兩額紅若火。此病消息。則於斯見。但言語昏昧。坐臥不安。似又異於所謂人靜者。據云初固靜耳。今早服養陰清肺湯後。遂致如此。取人即以化毒湯加減之。又針要處數穴。越日邀視。伊云昨晚針後。手足溫和。火亦大減。又得靜睡數刻。因吐之故。藥服無幾。通身斑點爛然。紅黑畢現。然脈猶未有也。當有大承氣急下之。因服藥未多。先與以化毒之劑。約下午五點鐘後請再酌。如期往。乃云已另服某先生之藥。其方亦解熱化毒味。遂不便以承氣湯進。按此症的是傷寒無脈之證。非大泄特泄。殊未易化險爲夷。以奏其功也。蓋大黃其性沉不浮。其用走而不守。能引於至高之分。以蕩滌腸胃。下燥結

而除瘳熱。硝則辛能潤燥。鹹能輕堅。苦能下泄。令去三焦腸胃實熱。蕩胸中宿垢。所論斯症。若不用硝黃蕩滌。恐後遇熱。必然再作。變爲腫脹而無可救。是所謂姑息以養奸者也。

丙寅時疫已過談

名醫理事 張汝偉

今年時疫蔓延之廣。來勢之猛。時間之速。爲近十年所罕見。已未有疫。丙辰有疫。譚均詳論治法。散見於紹興山西書醫報中。今年獨於盛行。若仗馬寒蟬。默不一譚。乃于過去之後。爲無謂之論調。是何心也。因近年來醫報日多。西醫日衆。投稿智識亦日開。彼此紛紜。咻齊咻楚。不以治病之經驗爲準。不以天時地理之變遷爲衡。不推究其所致疫之理。徒以古人之言論。寒熱之紛爭。互相抵觸。甚且西醫以無智識之學理。錯蹤其間。以致病疫者十有九死。而仍未明所以然之理。可見議論繁多。無補實際也。諤于此時。正在深研細索。俾得病至吾手。皆慶更生。兩月中間。獲治人數雖不多。要皆十全。竟無一死。此時實無暇投稿。今也疫勢已殺。暇

時憶所閱案。筆而記之。復將已治經驗之理。投之報端。非敢與人爭。非敢誇己功也。今年天干丙。地支寅。少陽相火司天。厥陰風木在泉。木居火下。火能刑金。木能生風。風火相煽。民病熱中。每多暴死。只因臣犯君主。此運氣司年。已有定例在前矣。證之天時地理。只因去冬久旱。觀今年有疫之區。大都水未漲足。而新春寒甚。伏熱已重。霉節以後。未有潮濕之蒸。而自五月中旬起。猝然暴熱。直至七月七日始較涼爽。此五十天中。既少迅雷急風以泄火炎之氣。更無大雨傾盆以啓久蒸之鬱。而疫盛之節。合之司天。順數應氣。爲陽明燥金主司。夫風火燥熱。既爲致病之遠因。而汗出多則津液竭。多食冷物則氣陰傷。又爲致病以後之所宜審顧。至於見象。初起嘔吐。四肢逆冷。腹痛澀少。爲一定症狀。若螺矐眼眵陷黑。已爲不治。後第二步狀態矣。章氏論四逆爲第二步救急之要藥。然非澄本之良治。何以故。因四肢逆冷。緣一時邪蘊陽明。阻遏血絡。不得通行。是以逆冷。若究其本源。則伏熱既重。心氣大虛。胃底翻騰所致。僅以薑附回陽。不知邪之蘊者。依然不化。而腹

痛溲少。熱象昭彰。余治疫症。不及湯藥者。命先用薑桂紅花煎沸。和入酒花燒酒。用麻絲磨擦兩手兩足。曲池委中等穴。至手足轉暖。始已一面。命速服飛龍奪命丹。及諸葛行軍散。繼服薑桂吳萸合芩連瀉心法。治之無不效驗。轉方。視有食者。加菜菔枳椇。氣火旺者用玉女煎法。竟獲全功。與已未歲疫之宜蒼朴爲君。丙辰歲疫之宜芳香利竅不同。蓋疫形相似。而治法大異。若非默察天時地理之變。徒執成法。不知變通。戕生命于無形。可悲孰甚。甚有服冰其淋。而胸腕一團冷氣。皮膚間無點滴汗者。余亦微用溫散。佐以葛根桔梗薄荷香薄荷等微辛微涼疏通而愈者亦不少。此愚今年之經驗也。閱此篇者然乎否乎。非吾所敢知也。

(藥物類)

點草攷古

名醫
會員 許小士

我粵潮人如患眼疾暴痛生翳星者。卽覓採點草一葉採軟。以銅錢一枚置寸口脈上。後以揉軟之點草葉置錢孔中。外以布紮之。約一炷香久。取開。其錢孔下處。

則發現一水泡。如孔樣大。其目星即消。〔按左眼生翳。如法置於右手寸口脈上。右眼生翳。如法置於左手寸口脈上。但施治不得其法。則其泡極大而熱痛。亦無甚變化耳。〕屢試屢驗。潮人認爲去目星簡便驗方。〔以暴痛生點爲宜。否則無效。〕

查本草綱目毒草類有名毛茛者。李時珍謂似草烏苗。又名毛建草。俗名毛董。似水董而有毛也。山人截瘡。採葉按貼寸口作泡如火燎。名曰天灸。集解謂毛建草生於田澤濕處。春生苗高尺餘。一枝三葉。有三尖及細缺。與石龍芮葉一樣。但有細毛爲別。四五月間開小黃花五出。結實狀如欲綻青桑椹。有尖峭。〔中國醫學大辭典〕云。毛茛多生於低平濕地。莖葉皆有細毛。莖高二三尺。葉爲單葉掌狀分裂。春暮開花。黃色五瓣。甚光艷。實爲多數小干果。葉辛溫有毒。除冷氣。〔和葯搗塗腹上〕截瘡。〔揉碎縛臂上。男左女右。勿令近肉。〕療癰腫惡瘡。〔搗敷勿入瘡。〕子與葉性質功用同云云。小土謹按。潮州之點草。多生田澤之間。其葉

係掌狀三深裂形。春暮開花。黃色五出。實爲多數小乾果而尖峭。集解謂狀如欲綻青桑椹者同。莖葉慨生茸毛。高二三尺。葉味辛辣。考新植物學辭典。謂凡莖葉密生茸毛者。有毒不可食。今潮人相傳取其葉以治目翳甚效。截瘡療瘡。未之聞也。但以葉置寸口脈上。則目翳消。潮人咸謂天然療法。但必有理由在。此層應請海內外經驗家發明賜教幸甚。

記蘿摩之功用

理事 趙意空

董氏婦。產後服生化湯。並無惡露。腹亦不痛。惟精神缺欠。彌月許久。飲食不慎。腹漸痛。繼而大痛。胸滿不能食。發熱咳嗽。脈虛弦。醫以破瘀大劑投之。病益劇。余仿葉香岩肝胃兩和法治之。亦無大效。有人授以單簡方。用羊奶草。一名蘿蘿蔓。取汁。每日服一小盃。服之頓覺胸膈舒暢。能進飲食。調理月餘。漸瘳。予令取此草驗之。蓋即蘿摩也。攷蘿摩。本經不載。綱目一名藿。一名芄蘭。復有白環藤。雀瓢。斫合子羊婆奶。斜線包。等名。氣味甘辛溫無毒。其子與葉。主治虛勞。補益精氣。強陰道。

治金瘡蜘蛛毒。然用者頗少。藥肆亦不蓄。其愈也。予猶以爲偶然耳。適有孫姓婦。亦係產後症。未彌月。飲食不節。且房闔不慎。彌月後。頭暈發熱。胸滿不能食。腹部疔痛。泄瀉。脈虛弦而數。奇經八脈俱傷。勞症顯然。是又甚於輩婦矣。攻補兩難。先以鼈甲青蒿之類清其熱。身熱雖止。而胸滿腹痛不減。用四物加乾薑。開其陰翳。痛畧止。而作渴。因告以董氏治法。孫與董固相識。走訪董。董爲述此草之功效。遂絞汁先飲一小盃。胸膈頓暢。能食。繼又飲一大碗。無何吐瀉大作。腹痛欲裂。勢頗危殆。急延予診。予謂此藥無毒。而如此者。必未諳服法。彼以小盃。爾以大碗。何孟浪乃爾。以二陳藿香竹茹薑汁之類救之。兩日未來報告。予頗疑其不祥。第三日來述服藥二劑。漸趨和緩。今已能進飲食。腹痛胸滿全除。惟仍便溏。精神尙未恢復耳。聞之善甚。往診則脈象大而和。迥非首之虛弦矣。爲疏調理方。仍令日飲此汁一小盃。半月而瘥。

按此藥各家註釋。不載其有開胸利膈之功能。而一入口。其效如響。大凡補益虛損者。多滋膩之品。而此則補而能宣。祛除痼疾。誠上品也。誌之。且擬蓄之。以備不時之需。

醫案門

關於心理治療

吳鞠通醫案

章氏先是二月間。病神識恍惚。誤服肉桂熟地等補藥。因而大狂。余於三月間用極苦以折其上盛之威。間服芳香開心包。醫治三十日而愈。但脈仍洪數。余囑其戒酒肉。服專翕大生膏。補陰配陽。彼不唯不服丸藥。至午節大開酒肉。於是狂不可當。足臭遠聞至鄰。不時脫淨衣上大街。一二男子不能搏之使回。五月十四日。又延余診視。余再用前法。隨效。二三日仍然如故。蓋少陽相火旺極。挾制君主。行令藥。雖暫開其閉。暫折其威。相火一動。而仍然如故。延至六月十六日午刻。復自撕碎其褲。人不及防。而出大門矣。余坐視不忍。復自慚無術。以已其病。因謂其胞弟曰。此症非打之使極痛。令其自着褲。也不可。蓋羞惡之心。亦統於仁。能仁則不忍。忍則不仁。不仁之至。羞惡全喪。打之極痛。則不能忍。不忍而仁心復。而羞惡之

第三十三期 醫案門

七十八

心亦復矣。此先聖王朴作教刑之義也。伊弟見乃姊如是景况。羞而成怒。以保父母體面爲義。於是以小竹板責其腿。彼知痛後而自着衣。着後稍明。次日十七日立秋。余與大劑苦藥一帖而全愈。蓋打之功與天時秋金之氣藥之力相須而成功也。後以專翁大生膏而收全功。


通訊門

張效宗上會長書


續三十二期

醫 學 雜 誌 51


(1)




(2)



(3)



(4)



(5)



美啓魯埃啓魯巴爾必圖兒酸。多鎮靜作用。而催眠作用頗少。

美啓魯普羅秘魯巴爾必圖兒酸。其催眠作用較(1)爲有効。

美啓魯普羅秘魯巴爾必圖兒酸。其催眠作用較(3)稍強。

(6) 一埃啓魯巴爾必圖兒酸爲強力之鎮靜藥。又爲有效之催眠藥。

$$\begin{array}{c} \text{C}_3\text{H}_7 \\ \diagdown \\ \text{C} \\ \diagup \\ \text{C}_3\text{H}_7 \end{array} \begin{array}{c} \diagdown \\ \text{Co} \\ \diagup \\ \text{NH} \end{array} \begin{array}{c} \diagdown \\ \text{C} \\ \diagup \\ \text{Co} \\ \diagup \\ \text{NH} \end{array} \begin{array}{c} \diagdown \\ \text{C} \\ \diagup \\ \text{Co} \\ \diagup \\ \text{NH} \end{array} \text{Dipropylbarbitursäure}$$

(7) 一普羅秘魯巴爾必圖兒酸。其催眠作用較(6)爲尤強。

$$\begin{array}{c} \text{C}_4\text{H}_9 \\ \diagdown \\ \text{C} \\ \diagup \\ \text{C}_4\text{H}_9 \end{array} \begin{array}{c} \diagdown \\ \text{Co} \\ \diagup \\ \text{NH} \end{array} \begin{array}{c} \diagdown \\ \text{C} \\ \diagup \\ \text{Co} \\ \diagup \\ \text{NH} \end{array} \begin{array}{c} \diagdown \\ \text{C} \\ \diagup \\ \text{Co} \\ \diagup \\ \text{NH} \end{array} \text{Dibutylbarbitursäure}$$

(8) 一補啓魯巴爾必圖兒酸。雖有催眠作用。甚呈酞酐之狀。

$$\begin{array}{c} \text{C}_5\text{H}_{11} \\ \diagdown \\ \text{C} \\ \diagup \\ \text{C}_5\text{H}_{11} \end{array} \begin{array}{c} \diagdown \\ \text{Co} \\ \diagup \\ \text{NH} \end{array} \begin{array}{c} \diagdown \\ \text{C} \\ \diagup \\ \text{Co} \\ \diagup \\ \text{NH} \end{array} \begin{array}{c} \diagdown \\ \text{C} \\ \diagup \\ \text{Co} \\ \diagup \\ \text{NH} \end{array} \text{Di-nsoamybarbitursäure}$$

(9) 一異素阿米魯巴爾必圖兒酸。乏催眠作用。

$$\begin{array}{c} \text{C}_6\text{H}_5 \\ \diagdown \\ \text{C} \\ \diagup \\ \text{C}_6\text{H}_5 \end{array} \begin{array}{c} \diagdown \\ \text{Co} \\ \diagup \\ \text{NH} \end{array} \begin{array}{c} \diagdown \\ \text{C} \\ \diagup \\ \text{Co} \\ \diagup \\ \text{NH} \end{array} \begin{array}{c} \diagdown \\ \text{C} \\ \diagup \\ \text{Co} \\ \diagup \\ \text{NH} \end{array} \text{Dibenzollarbitursäure}$$

一奔曹巴爾必圖兒酸。則毫無催眠之効。

由是觀之。巴爾必圖兒酸之亞洛啓魯誘導體(alkyl-derivate)其催眠之効力。依亞洛啓魯基所左右明矣。自埃啓魯化合物以顯其作用。遞至高級炭素化合物。其作用反弱或呈酞酐之副作用者。可云變化離奇矣。夫自一炭素化

物與二炭素三炭素階梯進行。復遞降而退者。正由亞洛啓魯之性質與其作用之強弱所來之轉機耳。未完

劉前英君論中西醫各有特點與缺點

昔神農嘗百草而藥性明。黃帝作內經。與岐伯互相問難。辨五行生尅陰陽玄奧之旨。而醫學興。後之繼續發明者。代有其人。迨漢張仲景起。著傷寒論及金匱。闡內經要旨。補前人未備。診治之法。於斯大備矣。考全球發明醫藥知識。吾國最早。自神農迄今垂數千餘年。通商以來。西風東漸。國人爭羨西醫之實驗。西藥之效捷。中醫遂致一落千丈矣。習中醫者。謂西醫強霸之術不足憑。習西醫者。謂中醫幽渺之談不足信。吾人欲斷中醫與西醫孰優孰劣。須平心靜氣考察其特點與缺點。夫中醫診病。以望聞問切爲本。審現象卽知受病之機。注重理想。西醫診病。以精巧診器探得病灶所在。注重實驗。然理想因實驗而來。實驗亦由理想而得也。試述中醫之特點。例若似痰非痰。似瘡非瘡。虛中兼實。實中兼虛之疑似病。西

醫用機械所不能探得者。中醫從理想而尋病根。無不得心應手。斯亦卽西醫之缺點也。西醫之特點。凡診病必以機械探得病之所在。解剖之手術。研究日精。較之中醫以望聞問切之空虛理想。實爲有把握。斯亦卽中醫之缺點也。中醫用藥重植物。性味平和。特點最多。惟未免有遲鈍之悞。西醫用藥重礦物。斬關奪將。特點亦大。亦未免有劇烈之失。中醫按病用藥。西醫以藥治病。譬如治痰。中醫分肺金燥痰用貝母。脾土溼痰用半夏。頑痰用礞石。火痰用芩連。西醫治痰。則統以一二藥品。中醫治熱。分在表用辛散之。在裏用苦瀉之。他如熱在經絡。在三焦。分條用藥。西醫治熱。則不論邪之虛實輕重。惟以安知必林之類治之。所謂以藥治病耳。由此觀之。中醫之特點。似較西醫詳細精密。惟西醫用藥奏效略速。中醫下藥每多無效。至若人體受重大傷害。中醫束手無策。西醫用非常手術得以回春。此西醫之擅長爲中醫所不及也。然西醫得人信仰。何爲駕於中醫之上乎。譬之宮牆。中醫之牆數仞。人罕得入其門。而見其美富。西醫之牆及肩。易見家室之好。宜

國人之重西而輕中也。綜上以觀。中西醫術均有缺點。不能登峯造極。吾醫林欲彌補各界之缺點。須拋棄畛域之心。精心銳意。力任溝通。鎔冶中西。則醫學進步。其庶幾乎。然總均較之。吾中醫實優於西醫。第世之業中醫者多。視爲營業性質。偶知一二。輒爾自足。不復研究高深。此應積弊。尤爲吾醫林所急宜矯正者。觀吾中國人民達四萬萬。醫藥知識開化達幾千年。業中醫者要須保存數千年神聖醫學。勿致淪沒。銳志深求。闡發前人奧旨。否則得門而不能升堂入室。與不得其門者。亦五十步之與百步耳。嗚呼。自西學輸入。吾中醫一蹶不振。喧奪勢成。恐異日將由淘汰而歸於淪沒。故近時有志之士。有鑒於斯。爭相結社立會。編輯宣傳。迨亦中醫否極泰來之前途一線曙光也。

楊星垣君醫學感言

自神農嘗本草而藥物始興。岐黃著內經而醫學大明。雷公炮製。伊尹湯液。以及倉公扁鵲元化。類皆性命之學。醫宗醫祖。代不乏人。以後如張仲景。王叔和。孫真

人。再後如劉河間朱丹溪李東垣輩。咸著書立說。垂教後世。醫界中人。咸奉爲金科玉律而莫之敢違者也。近代名家。時則有若閩之陳修園。贛之喻嘉言諸公。撰述醫書。實補前人所未及。發揮前人所未明。昔陸宣公晚年家居。聞有奇方。必親自抄錄曰。此亦活人之一術也。范文正公嘗言不爲良相必爲良醫。以醫可以救人之生命也。準此二公之語觀之。可知醫雖小道。其壽世濟人之利益實非淺鮮。然而醫豈易言哉。嘗見今之爲醫者矣。不知研究醫之真理。惟套襲古人成方。記誦一二藥性賦脈訣歌。爲養生餽口之計。遇一病症。往往切脈不知証。用藥不對病。使病者不死於病而死於藥。亦非死於藥。實死於庸醫之手者比比也。可不爲寒心乎。是故中醫墮落。西醫進化。中醫腐敗。西醫文明。中醫學殖衰落。西醫價格增高。此非西醫貴而中醫賤也。亦非西醫優而中醫劣也。蓋中醫有醫學而不知研究。西醫有醫學而日益求精。致使中醫大道日就衰微。甘居人下。我軒岐神聖有靈。能勿痛乎。嘗攷歐美人民。有普通醫學智識者。大約十居八九。凡遇有疾病。

無論在腸胃在血脈。在腠理。在骨髓。必由內科醫會研究其病源。此外更有許多專門醫會。如一婦科也。有婦科研究會。一產科也。有產科研究會。他若兒科有兒科研究會。痘科有痘科研究會。其餘眼科牙科喉科肺病神經病。各有研究之理。即各立種種之會。不僅斯也。外科有外科研究會。皮膚有皮膚研究會。花柳証瘡有花柳証研究等會。設或經費不足。政府即撥款補助。此西醫超出中醫之一大原因也。現時我國醫界。果能從此憬然醒悟。奮然振作。研究西醫之所長者。惟何復。研究中醫之所短者。惟何。取彼西醫之所長。以補我中醫之所短。再則人人提倡。處處立會。研究中醫之精髓。勿研究西醫之皮毛。研究西醫之實驗。勿研究中醫之空理。學醫者果能為蒼生司命。方便為門。慈悲為本。自然民無夭札。人盡遐齡。牀席之間。減少呻吟之苦。普天之下。釀為太和之春矣。

張治河君對於曹德海怪症之管見

二十九期雜誌葛蔭春治曹德海之症。病家日得之食蟹。恐係蟹毒為害。醫家曰

如係蟹毒。何以土人食而不病。葛君對於此症。否認蟹毒。可謂獨具隻眼。蓋蟹經鹽醃火煮。縱有害菌。業已死矣。決無成病之理。此必精神作用影響肉體。吾人想像力亢進之結果。誠有不可思議者。催眠奧義會云。「有人在市購糖一桶。着僕人送回。恐其途中竊食。乃詭其辭曰。桶中所盛爲漆。切勿啓視。以免中毒。僕人信以爲真。覺其氣味臭惡。勉強荷之歸家。翌日徧身發生小疹。與漆瘡無異。因稟知主人。主人大驚。遂告之曰。桶中非漆。實砂糖也。乃啓蓋以示之。僕人疑團頓釋。未半日疹跡消焉。」曹之病理。與此正同。伊見蟹赤初不敢食。後雖貪其味美而食之。其疑慮之心終難盡釋。久之精神凝注。肉體亦爲之變化。奇形怪狀隨意而生。經葛君治療以爲皮裡之蟹。先被針法刺死。後被藥物化除。根株剷盡。必不再發。精神感動肉體。於是痼疾告痊。此症自發生至痊。殆純係一心理之作用也。

報告門

廣靈縣發生疫症

省公署函開，據廣靈縣電稱，該縣南山作戰地方，發生瘟疫，初得時，肚腹膨脹，繼而下瀉，飲食漸少，面發黃瘦，十餘日即斃，現已傳染兩村，斃五十餘人，其原因係人在地下藏身，感受熱溼之故，囑會速擬治方，送署以便轉飭施治，查此証係今夏該處發生戰事，人民避藏於地窖之中，伏居日久，致受陰溼之氣，出窖則烈日薰蒸，腐屍穢濁之氣，復從口鼻而入，秋令驟涼，寒氣束於外，溼邪伏於內，溼邪不致遽然斃命，而竟傳染已至五十餘人者，穢惡之氣，尤為疫癘之一大原因，治法宜開閉，逐穢，利溼，解毒，擬方於左：

綿茵陳 三錢 廣藿香 二錢 大腹皮 二錢 川鬱金 二錢
 炒青皮 一錢 炒澤瀉 二錢 滑石粉 三錢 生意仁 四錢
 川厚朴 二錢 雲茯苓 三錢
 製茅朮 錢半 木通 錢半 豬

第三十三期 報告門

八十八

芩二錢 薄荷通草各一錢爲引

如腹脹不瀉。小便不利。兼沈悶嘔惡者。前方加真麝香三釐。石菖蒲三錢。明雄黃一錢。淨硃砂八分。○如瀉利不止者。又當審其若確係溼寒。可於前方內酌加吳萸、乾薑。惟辨証宜真。非實有寒脈寒象。慎勿輕用。此覆云云

雜俎門

醫賸吸毒石考

續三十二期

袁慢恬書隱叢說曰。吳江某姓。有吸毒石。形如雲南黑圍棋。有大腫毒者。以石觸之。卽膠粘不脫。毒重者一週時則落。毒輕者逾時即落。當俟其自脫。不可強離也。強離則毒終未盡焉。俟其落時。預備人乳一大碗。分貯小碗。以石投乳中。乃百沸踴躍。再易乳。復投。更沸。如是屢次。俟沸定。則其石無恙。以所吸之毒。爲乳所洗盡也。不然其石必粉裂矣。云得之於舊家。本出大西洋中。傳記不見。乃知世間奇物。不可以理測也。

紀的灤陽消夏錄曰。左傳云。深山大澤。寔生龍蛇。小奴玉保。烏魯本齊流人子也。初隸持納格爾軍也。嘗入谷。追亡羊。見大蛇。巨如柱。盤於高岡之頂。向日晒鱗。遇身五色。爛然如堆錦繡。頂一角長尺許。有羣雉飛過。張口吸之。相距四五尺。皆翻

第三十三期 雜州門

九十

然而落。如矢投壺。心知羊爲所吞。乘其未見。循澗逃歸。恐怖幾失魂魄。軍吏鄔圖因言。此蛇至毒。而其角能解毒。卽所謂吸毒石也。見此蛇者。携雄黃數斤於上。風燒之。卽委頓不能動。取其角鋸爲塊。癰疽初起時。以一塊著瘡頂。卽如磁吸鐵。相粘不可脫。待毒氣吸出。乃自落。置人乳中。浸出其毒。仍可再用。毒輕者乳變綠。稍重者變青黯。極重者變黑紫。乳變黑紫者。吸四五次。乃可盡。餘一二次愈矣。余記從兄懋園家有吸毒石。治癰疽頗驗。其質非木非石。至是乃知爲蛇角矣。

按此物荷蘭人聞齋來。云龍頭中石也。予弱冠時聞之於賀臺膝。舜調云。珠龍角所造。予因其言造之。其形與船上物無別。試之小瘡。亦粘吸不落。乃知紀氏所記蛇角之說。似可信焉。

星期徵稿選刊

病者傷寒已罷。惟手心汗出。下之遂利不止。後用養臟湯加減服之。頗效。但每飯後腹稍動。輒有水聲。小腹爲之不平。脈弦而遲。當用何法。

張惟通

按病者傷寒已罷。惟手心汗出。此亦陽虛之質。清陽不能上升。餘邪上走。而有手心汗出之證。非熱聚於胃。胃爲津液之府。以熱蘊於內。故津液旁達。兼少陽實熱。而手心汗出者。可此是以下之遂利不止也。厥後雖用真人養臟湯加減服之。乃見效驗。然而三焦之陽。尙未恢復完全。亦不能行其作用也。故每飯後腹稍動。而水聲漚漚可聽。小腹爲之不平。其所以然者。蓋食入於胃。由腸而下。飲水入胃。則胃之四面。均有微管。將水吸出。散走膜膈。此膜即三焦也。夫三焦輪轉有權。則諸病可免。若三焦不利而失其功用。則水入腸胃而不行。是故每飯後。以食壓其水。

所以腹稍動。則水由腸而下。水聲漉漉可聽。經云水氣客於腸胃。疾行則鳴濯濯。正此謂也。不惟此也。且水不由三焦達入膀胱而化氣。再加以腹中有寒。即小腹不平之證也。經云腹中有寒。則汁沫溢於腸胃之間。是以上衝皮起。出見有頭足。蓋指此也。按其脈弦而遲。亦內虛而寒之證。補救之法。管見可用建中利水之劑。建其中焦之陽。而利其水邪。中陽復而水邪去。則諸病皆可除矣。擬方於後。

芍藥六錢 桂枝四錢 甘草三錢 生薑三錢 大棗二枚 膠飴五錢 白朮二錢 澤瀉三錢 猪苓二錢 茯苓二錢 水焦服

問傷寒病火症最多而寒症亦復不少試即大寒二證
與脈分別言之
董華瑞

夫傷寒之病。分寒火二症者。不外乎六經耳。以太陽主寒。陽明主燥。少陽主相火。太陰主濕。少陰主君火。厥陰主風。大抵寒邪之中人。隨各經氣化之變遷。寒邪初侵在表之陽。曰寒症。寒已化熱。曰熱症。若不能化熱。而太陽陽明有四逆之寒症。

寒邪中於裏在陰。曰寒症。有感君相二火之熱化曰熱症。而少陰厥陰亦有苓連膏黃之熱症。此皆從標本中氣之化也。故邪在陽能化熱曰熱症。不能化熱曰寒症。邪在陰得火化曰熱症。不得火化曰寒症。熱症者卽火症也。再加以脈別之。則寒火之症自分矣。按仲景論脈。所重浮沉遲數。又浮大滑數動沉澹弱弦微。以此十脈而分陰陽以候寒火也。浮數者陽也。而大滑動亦爲陽。沉遲者陰也。而澹弱弦微亦爲陰。傷寒之病。見陽脈爲火症。見陰脈爲寒症者是也。

針灸討論會治法選刊

問內經刺中某臟幾日死而禁服篇又言內刺五臟試
將刺臟之據經評釋之 米 昀

內經云。刺中某臟幾日死。而禁服篇又言內刺五臟。似乎相反。不知各有相宜忌之理在焉。試申論之。考內經刺中五臟之義有二。背輸篇云。五臟之輸。皆出於背。灸之則可。刺之則不可。再以後世甲乙經銅人等書考之。刺五臟之輸。針三分臥針而刺之。此皆後人權變之法。庸醫不知禁忌。豎針而深刺。則傷五臟之真氣。故爲臟中而死者一也。再按診要經絡篇云。凡刺胸腹者必避五臟。刺避五臟者。知逆從也。所謂從者。膈與脾胃之處。不知者反之。蓋以膈之部位。前齊鳩尾。循腔而後至十四椎。五臟之氣。從膈外出。旋轉不回。若反刺之。是逆其氣而傷其臟者又一也。而禁服篇又言內刺五臟者何也。按此篇之上文云。凡刺之理。經脈爲始。營

其所行。知其度量。內刺五臟。外刺六腑。蓋凡刺之理。必先明經絡之起止。營行之終始。脈度之長短。部位之陰陽。而後可以刺之。五臟屬陰而主裏。六腑屬陽而主表。六陽經之脈。皆行於手是外側之陽部。六陰經之脈。皆行於手足內側之陰部。而五臟之病。當從手足內側之陰經以刺之。而刺之之法。由何而立。必當驗於結喉兩旁所動之人迎。與兩手左右之寸口。內經云。論言人迎與寸口相應若引繩。大小齊等。命曰平。此篇下節又云。寸口大於人迎一倍。病在足厥陰。一倍而躁。在手心主。寸口二倍病在足少陰。二倍而躁。在手少陰。寸口三倍病在足太陰。三倍而躁。在手太陰。盛則脹滿。寒中食不化。虛則熱中出糜。少氣弱色變。盛則瀉之。虛則補之。然而補瀉之法。又當何施。當遵內經虛則補其母。實則瀉其子之法。肝臟實則瀉足厥陰之榮火行間。虛則補本經之合水曲泉。心包絡之臟實則瀉手厥陰之俞土大陵。若虛則補本經之井木中衝。腎臟實則瀉足少陰之井木湧泉。若虛則補本經之經金復溜。心臟實則瀉手少陰之俞土神門。若虛則補本經之井

木少衝。脾臟實，則瀉足太陰之經。金商丘。若虛，則補本經之榮。火大都。肺臟實，則瀉手太陰之合。水尺澤。若虛，則補本經之俞。土太淵。經所謂內刺五臟之法。若此而外刺六腑者，又可知矣。凡爲醫者，必當精心慎行，庶免誤失之弊。否則輕者轉重，重者立危。故內經有刺禁利害之戒，諄諄言之，不啻再四。固非區區之易事，豈可鹵莽從事哉。

牙痛症多係陽明邪熱所致然陽明有手足之分究竟

如何辨識宜刺何穴試詳言之

劉 恕

內經云腎主骨。齒爲骨之餘。是牙齒屬腎。然口爲胃之門戶。是滿口之中。又概屬胃。牙床尤爲陽明脈絡所繞。攷手陽明大腸經脈。起於大指之端。循指上廉。出合谷兩骨之間。循臂上肩。下入缺盆。絡肺。下膈。屬大腸。其支者從缺盆上頸。貫頰。入下齒中。還出俠口。交人中。左之右。右之左。上俠鼻孔而終。足陽明胃之經脈。起於鼻之交頰中。旁約太陽之脈。下循鼻外。入上齒中。還出俠口。環唇下。交承漿。却循

大迎頰車之分上耳前循髮際至額顛其支者從大迎前下人迎循喉嚨下膈屬胃絡脾下行循伏兔部下循經外廉至足而終按此脈絡所行上齒是足陽明胃經所繞下齒是手陽明大腸經所繞故牙痛多係手足陽明邪熱所致然邪熱所在究係手陽明抑係足陽明此則不可不辨內經論疾診尺篇驗齒痛法曰按其陽之來有過者獨熱在上上熱在下下熱在左左熱在右右熱按此說係以熱之所在辨痛之所在上齒既屬足陽明下齒既屬手陽明則上齒痛必係胃經之火下齒痛必係大腸之火左上齒痛則針左胃經穴左下齒痛則針左大腸經穴右上齒痛則針右胃經穴右下齒痛則針右大腸經穴又靈樞難病篇曰齒痛不惡清飲取足陽明惡清飲取手陽明是以惡清飲不惡清飲辨熱之在陽在胃也辨症既明則取穴以刺之如是痛在大腸則商陽二間三間合谷諸穴皆可刺若痛在胃則下關頰車大迎內庭厲兌皆可刺又有本係肺火傳入大腸而上爲牙痛者宜兼刺太淵因舌腫舌痛而牽引牙痛者宜兼刺脾之公孫因脾脈連舌本散舌下也此則病之傳變又不可不辨也

編輯處啟事

啓者古今醫案充棟汗牛竊謂案者法也老吏斷獄鐵案如山熟於法耳若平平無奇或以病試藥偶然倖中者似未可以案稱本雜誌醫案門多選古人精粹良法畧別種類分期登載現仍資料無多凡我同人熟於前輩醫案醫界舊聞名醫歷史筆記瑣錄之類望祈隨時抄示俾便分登一俟彙集較多彙刊成帙定當奉酬若干冊以副雅贖不勝企盼之至

楊百城謹啓
趙意空

*楊如侯先生靈素生理新論出版廣告 是書原擬刷印

一千部嗣以不敷銷售特再加印五百部以公同好兼爲振興國學溝通中西起見將本書原價定爲實碼八折每部售洋三元二角其躉購十部者另贈一部遠道並免去郵費以期普及郵票代洋九五折算書存無多購請從速

代售處山西省城

中醫改進研究會
橋頭街航慈醫院

中醫雜誌

上海中醫學會出版

- 〔一〕(內容)分專著學說醫案筆記藥物學驗方釋辯錄會務紀載等十餘欄皆屬近代名賢精心結撰之作已出至十七期
- 〔二〕(定價)每册大洋二角五分購滿六册者減售一元四角
- 〔三〕(郵費)國內每册三分國外八分多則照加掛號另加五分
- 〔四〕(函購)郵局不能兌匯之處可以郵票代現惟須照九五折計算
- 〔五〕(彙選)第一至四期均已售罄特刊彙選發行上下二册實價一元二角郵費八分
- 〔六〕(附誌)第五期已售盡本會員通信處詳載紀念册以便互通消息每册售洋五分

總發行所 上海西門內石皮弄中醫學會雜誌社發行部

張壽甫先生四期表中參西錄每部定價二元郵費五分滄
州立達醫院發售

報告醫界同人書

張錫純

敬啓者 鄙人因滄州屢經兵燹實難寧居准於仲春月底移居天津醫界同人
寄函及購拙著者乞寄天津法界廣德里張氏施診所 鄙人收可也肅此敬告即
頌公安

第三十三期 廣告門

九十九

第三十二期 廣告

介紹浙江紹興醫藥月報

紹興醫藥月報為浙紹何廉臣先生編輯內容精美每月一期定價一角全年一元半年五角五分郵費每期五釐全年六分民國十三年正月出版發行所紹城石門橋紹興醫藥月報社及紹城大街天芝堂藥號

三三醫書創刊啓

癸亥夏本社主任裘君吉生以歷年所獲醫家秘笈並同社投寄著述擬付刊傳世遂遷杭垣蓋為印刷便利計也詎醫報改組不數期而承印之武林印書館適遭鄰火稿亦被焚幸醫書尚在編輯中未見波及然因之遲誤半載現荷文化印書局倪君憂天與文印書局蔡君貽最緩以最低工價許即承印今將第一集先由弘文代印仍本醫者須讀三世書求三年艾方能三折肱之義名曰三三醫書以短篇不成卷冊之稿已刊三三醫報按旬發行而成卷專書自應單行印傳爰定每集三十三種每種一卷或數卷不等分訂洋裝本限一個月至少出版三種速則三個月出版一集以極廉之價收回成本三期分繳第一期洋三元三角惠到即將已出版者先行郵奉出書至三分之一再惠第二期洋三元三角出書至三分之一即將第三期三元三角惠清除面取外每次加郵費三角三分其洋倘荷一次併惠兩期則第三期得以免繳以答高誼此舉成本浩大每集祇印三百三十部無論何種概不零售完以後亦不再版有人翻印無任歡迎對於未主亦懇奉送一集決算苟有餘利誓必貼入二集多印大部書稿尚有第一集稿及付刊之稿第二集自當編入第二集正在編輯稿愿行世者速行寄社

中華民國十三年三月三日三三醫社敬啓

一百

三三醫報發行廣告

每旬 一册 十二年七月三日第一期出版

編輯者 紹興裘吉

發行者 三三醫報社

印刷者 武林印書館

寄售處 各省大書坊

定價表費須先惠

冊數	冊全年三十三冊
定價	角三元
郵本國五	厘一角六分五厘
日本五	厘一角六分五厘
外國二	分六角六分

第三十二期 廣告門

中風斟詮發行廣告

全部三卷

定價 官堆紙每部 壹元伍角 實洋 壹元

著作 者 嘉定山雷張壽頤

總發行者 蘭谿中醫學校

印刷者 蘭谿福華石印所

第三十二期 門廣告

一百〇二

江蘇全省中醫聯合會

〔出版月刊增刊〕

月刊分常評言論專件專著筆記研究雜錄消息編輯課本等類以發揚國粹聯絡感情爲宗旨增刊分學說醫案筆記表解選方醫籍考驗方等類每期限一病以專研究合裝一册已出四十三期定價每期五分郵費一分全年連郵六角六分第一至二十期已售罄二十一期至四十期裝有彙編每册半元寄費五分總發行所上海西門內廣益中醫院

贈送醫醫醫病集

醫醫醫病集爲上海黃社出版一二兩集風行海內現因戰爭關係致第三集不能出版（按所有定款通知退回）今該集廢餘尙多請附郵票十分寄上海王信義濱醫藥圖書館資社善後辦事處立刻奉上

嚴氏金匱廣義出廣告

是書爲慈谿嚴鴻志先生所著內容精美外觀雋雅洋裝兩巨冊定價大洋壹元貳角現售照碼九折十部以上八折連郵費在內以十三年舊曆十二月爲限限滿不折不扣發行處在甯波慈谿東鄉費家市嚴氏養正學校遠地如以郵票代洋准三分以下之郵票爲合格按九五折計算書印無多購請從速

慈谿中醫學會同人公啓

張贊臣徵集驗方

敬啓者贊臣每念病家疾若纏綿欲求其速愈而不得者深爲憫惜竊之不才擬集古今驗方彙纂成冊貢獻於世俾抱病者得以按方治病可無採薪之憂也如荷熱心同志惠賜驗方須以經驗實效信而有證者無任感禱惠賜諸君請於方後一一說明如何實效如何試驗因古今以來名爲驗方而充棟汗牛其效者鮮驗者寡也凡我同志隨時抄示一俟彙集較多卽行彙刊成帙定當奉酬若干冊以副雅贖不勝企盼(盼姓字住址務乞另紙書明以便函候教)贊臣常寓上海二馬路雲南路口安康里第二百二十七號內如荷賜教無不達到

第三十三期 廣告門

一百〇四

中國醫學界惟一的評論刊物

醫界春秋

本社應時勢之需要發行醫界春秋特刊對於中西醫界作公正之評論宗旨純正不偏不倚內容之豐富印刷之精良誠近代出版界空前未有之醫刊定於夏歷四月十五日出版定價每份大洋四份社址上海法租界霞飛路寶康里五十六號

上海醫界春秋社啟

葉勁秋醫學函授社廣告

中醫至今日衰頹極矣若再因循坐視不急起而整理之倡導之我恐國粹之淪亡指日可待今勁秋不自度量創辦函授其目的在灌輸醫藥智識培植醫門人

才聯合真正同志互相研究互相討論以發明真理爲歸宿或有對於中醫具誠意者願負責任者概認爲真正之同志世之明哲諸君能表同情于勁秋者深願廣爲介紹是爲啓

招生簡章

- 一 本社以研究醫學爲主旨以改進中醫爲歸宿
- 二 暫定二年畢業講義費每年十元分繳者每月一元(概須郵滙郵花不收)
- 三 不限男女年歲不拘何時概可投考
- 四 投考時須詳列年歲職業及目下狀況另作試題兩個(1)爲什麼要研究中醫(2)對於中醫願負什樣責任和希望分別騰清及格者開始函授否則恕不作覆
- 五 講義每星期發一次全年作五十次
- 六 通訊處暫定楓涇葉勁秋醫室內

醫學亞東月刊

定價 { 每月一冊大洋二角五分
全年十二冊大洋二元五角

郵票代用作九折算

內容 分學說及實驗, 診療寶函, 綜說, 臨診講話, 處方集, 技術, 篇, 最近文獻, 藥物療法, 釋疑, 雜纂, 調查及統計, 新書及新藥, 介紹, 雜報等, 內容之豐富, 請以函索當呈樣本。

上海東寶興路三十八號

總發行所 **東亞醫學社**
分售處 上海商務印書館及地方分館
其他在中國著名書局

第三十二期 廣告門

一百〇六

繪圖鍼灸傳真全書出版廣告

本會理事趙緝菴、孫祥麟、王郁文合著鍼灸傳真全書八卷, 援引靈樞素問之精華加以詳切註解, 日內經刺法兩卷, 採擇古代名醫鍼法, 慎其從違, 日名醫刺法兩卷, 辨經絡繪圖形, 更正

他書錯誤，以求分明清切，曰考正穴法兩卷，本歷年心得經驗之術，講真理，求實效，闡明岐黃秘訣，曰鍼灸傳真兩卷，共成八卷，卷各成本，現已脫稿出版，凡有志針學者，請速購閱是盼。

價目

每部 八本 定價大洋二圓三角

如買廿部以上者
按九扣核算
十部以上者
按九五扣核算

繪圖鍼灸傳真價目發行表

總發行所山西代縣亨利石印局
分發行所山西中醫改進研究會

剪子巷成文齋書局

印刷所山西代縣亨利石印局

無錫王旭高名書六種出版廣告

先生醫案柳君寶詒已選入四家醫案尙有退思集穎方歌註醫方證治彙編歌

第三十一期 廣告門

一百〇七

第三十二期 廣告門

一百〇八

訣。增訂醫方歌訣。醫方歌括。薛氏濕熱論歌訣。西溪書屋夜話錄。治肝秘訣。六種。於傷寒濕溫雜證肝病。闡解詳明。思路新穎。凡在醫林。尤堪研究。醫校學生。尤便誦習。茲由吳縣陸晉笙君重訂。小無錫周農君精校。交上海千頃堂石印。每部六角。八折掛號郵費一角。各省大書坊均有寄售。

分售處無錫西門外棉花卷周小醫農室

介紹學道新書金丹真傳

學道必須修養。修養端重。師傅奈今之道家。稍有承述。皆秘為奇貨。故作艱深。多立層次。使學者望而却步。似非大道為公之旨。茲有漱石生者。本其師傅。悟澈元妙。掃除秘密。居奇之習。將道家修養工夫。合盤托出。著書一卷。名曰金丹真傳。有志學道者。但手此編。自入終南捷徑。現此書本會寄售。每部實折八角。郵費在外。

呂聯奎 全啟
楊百城

山西官民 日日必需
海內外 處處爭購

晉民快覽

Popular guide book of Shansi

之



為 個人 社會 家庭

事業建設上惟一之參攷書良因山西百政維新

諸可借鏡 敝社萃英擷華年刊一編數年以來荷承

海內外賢達推為山西之寫真管政之年鑑 敝社至為榮

幸十五年的新出版了每册仍售四角寄費七分半 合購前三

期祇售一元五角寄費在內所費有根不啻遊歷山西一

週如承

函購請詳開姓氏地址逕函本社李炳衡君照寄不悞郵

票代現不扣

山西晉民快覽社謹
社址省垣 新城街

第三十二期 廣告門

一百〇九

上海同德醫學專門學校新同德社
NEW DUNG-DAI ASSOCIATION
DUNG-DAI MEDICAL COLLEGE
MARKHAM ROAD, SHANGHAI, CHINA.

第三十二期 廣告門

新 同 德

醫 藥 月 刊

Neue Dung DRI

Medizinische Monatschrift

本誌為指導民衆衛生。介紹德國醫藥之刊物。
內容豐富。印刷精美。定價全年十二册。一元
五角。郵費加一。茲將二卷一期要目列后——

「論壇」高惡傳染病之醫學。衛生前道德論。改革我國醫學的澈底辦法。「學說」返老還童之說明。女性美。衛生概論。男性生殖器虛弱。結婚與肺癆。「醫藥」白濁何時認為痊癒。中藥概要。新醫治療之種種。梅毒△療法時之副症象及其處理法。「問答」問答一束。「常識」打破親善政策。術的自述。「文藝」月下吟三章。雲霞恨。雜詩數首。尚有「專載」及「新聞」兩欄不備錄。

定報處 上海同德醫學專門學校新同德社

醫學選髮 出版廣告 介紹人周小農 楊百城 趙意空
 慈谿費家市張生甫君著內外兩編內編係李君手著新發明醫理外編係纂集
 前賢經驗每部八角特別優待醫林每部大洋六角六分掛號五分性道實學闡
 明性理大道每本大洋一角五分郵費加一躉購郵匯爲妥郵崇以一分至三分
 油帛夾襯封固掛號寄空函不復 總發行所浙江慈谿費家市張生甫醫室

山東膠縣良心救國社全體公啓

敬啓者同人因宣傳救國事件組織良心救國社期以努力進行永久不懈凡我
 各團體各機關各界人士如有關於此類期刊或書籍等等之出版品務望每種
 賜下一份俾作南針而資進行是爲至感至盼再者敝者自進行以來深感於吾
 國人民程度太低毫無國家觀念雖以五世之悲痛似仍不關彼事漠然無動於
 中而救國同人進行之艱難實出意料之外是以敝社現在決定一方努力宣傳
 演講愛國救國之旨一方極謀提倡鄉村間社會教育之普及敝社以爲國家之
 強盛非保全國民性及其提高國民程度不可而此社之入手辦法又非由普及鄉
 村教育倡大本國及世界之學術文化不可故敝社同人不揣愚昧不避艱難決
 定創辦圖書館數處請以數十年爲期自全縣而全省至全國普及爲止凡本
 社社員均志願畢生從事於此以資補救今蒙敝社社員途卓如君捐其所存中
 文書籍貳萬餘冊報章雜誌數十種價值共約六萬圓業經本社公決定爲本
 第一圖書館即以逢氏圖書館爲名以資獎勵此後如有捐書者所捐書籍之價
 值足五萬圓之數者即另立第二圖書館而以捐書人之名或姓爲圖書館之名

第三十二期 廣告門

一百一十一

第三十二期 廣告內

一百十二

焉至於其他登報鳴謝等一切詳細辦法另有詳則可閱茲不贅述惟敝社同人
 心有餘而力不足滋特徵求鼎力特別贊助如蒙加以書籍或期刊等出版品之
 捐助則更為敝社所企盼而敢代表無數受惠者表示萬分叩謝者也至於各大
 書局各大報社各出版團體各界人士其有熱心社會事業而願將其出版品捐
 助者務乞賜以介紹以便接洽則敝社更感德不盡矣臨書企盼不勝懇切待命
 之至如蒙回件請直寄山東省膠縣城良心救國社逢氏圖書館收即可特此奉
 達敬頌台祺

再啓者敝社此次徵求之範圍極廣毫無限制無論所捐助者為何類何種及新
 舊完缺雖片紙隻字報殘簡亦一概竭誠歡迎而萬分感謝者也久仰先生熱
 心社會專業素以指導後學領袖輿論為國人所敬佩務乞不吝珠璣賜以特別
 贊助並盼廣如介紹期收腋成裘衆志成城之功此則惟鼎力是賴矣敝社同
 人久耳鴻名識荆無自臨風翹企仰止曷勝倚蒙不棄加以提携則豈只敝社同
 人應刻骨銘心凡此後之受賜者無不感激大德於無窮也專此奉達不勝迫切
 待命之至肅此敬頌

勸捐新書

周後農君來稿登

馬克司為最高學說哀多益寡稱物平施非田主義大同可期宜乎學界風靡抵
 掌研究也諸君有有共產黨執行委員會言書一切共產書籍乞郵寄以下三
 處詳細地址當有收據同奉或以相當書籍回贈
 北京總商會正陽門外西珠市口奉天總商會潘陽城內鐘樓南大街上海總商
 會圖書館上海鐵大橋北天后宮間壁永久保存共同研究也

崇德醫科大學
新同德社出版
新同德

一名「崇德醫藥月刊」

宗旨 專門介紹德商最新醫藥知識指導民衆衛生

內容 分評論學說醫學新藥介紹常識衛生醫事新聞文藝專載等欄多七萬餘言

定價 本刊用道林紙精印每月一冊實售大洋二角全年十二冊兩元郵費加一

總發行所 上海 麥根路 崇德醫科大學 新同德社

第三十二期 廣告門

一百十三

中華民國十五年十月出版

編輯兼發行所

山西太原省城新民街即精營東二道街北首門牌第一號
中 醫 改 進 研 究 會

信 實 進 取 愛 羣

一 意 注

本雜誌每兩月一冊全年六冊如承訂閱請寄現款郵票代價九五折扣以三分以下者爲限但郵票必須開以蠟紙如無蠟紙致不能揭開者不收

價 全	年 六	冊 大	郵 費
年 三	冊 大	洋 四 角	郵 費 四 分 半
年 一	冊 大	洋 一 角 五 分	郵 費 一 分 半

二 意 注

本雜誌爲提倡醫藥學起見凡有著名醫家及經驗良好藥品願登廣告者列表於下

價 目	兩 月 一 期	半 年 三 期	全 年 六 期
廣 告 全 頁 數	頁 大	洋 四 元 大	洋 十 元 大
價 半 頁	洋 二 元 大	洋 五 元 大	洋 八 元 大
目 四 分 之 一	洋 一 元 大	洋 二 元 大	洋 三 元 大